


B-1



附錄卷第三

謚誥

勅中書門下省尚書省送到吏部狀準都省批下本部申據吉  
州奏據持服周綸狀乞故父少傅觀文殿大學士致仕益國公  
贈太師必大定謚事今據太常寺申連到朝散郎行太常主簿  
兼權太常博士劉彌正申撰到謚議議曰 宋興二百四十餘  
年文明之盛超漢軼唐元臣故老先後相望未有不繇儒學以  
發身者也然而規模有博狹事業有宗山庫要其所成就又不  
在是大抵經生固陋文士浮夸泥古者未必通於經溢於空言

宗學

者類畜於實用蓋有文采動人主言語妙天下及夫臨大節當  
大事其所建明植立卒無以大過者豈非學力之未至氣節之  
弗充歟觀公出處履踐言議風采正大純固不抗不撓是宜道  
德文章為世師表功名終始視古名臣為無媿也矣公始擢進  
士第繼中博學宏詞科尋召試高廟首稱公之文謂宜為制  
孝李宗初元擢兼詞掖嘗因論奏知公剛正又謂不但有文而已  
自是更出送送入歷臺省登禁從掖而掌內外制者蓋十餘年凡乾  
道淳熙之間號令訓詞溫純典麗煥然可述者皆公之文也

高廟在上徽號以至光宗內禪三朝揖遜極千載一時之盛當

時詔冊皆公所草定鋪揚閣帝文飾太平盛德鴻業實與高文  
夫冊相為輝映豈直儒者逢辰之榮而已哉先是隆興初嘗繳  
奏兩知閣門事除命孝廟為之中寢翌日出御禮命宰臣宣  
示未幾二相更道上意而已寢之命復出公持之不下奉祠  
必歸授授閑置散如是八年而後收用今夫習俗移人士大夫砥  
節厲行從史養成則作之愈高及其憔悴寂寞之濱磨以歲月  
未有不懲創銷沮易抗驕而伊優化百練而繞指矣公獨不少  
貶再直禁林一日以武臣除簽書樞密院事毅然不草答詔即  
日報罷於是清風勁節聳動中外孝廟亦自是深知公見謂

不迎合不附麗而大用之意決矣始孝廟之御極也虜人未索  
講和時舊禮公因條奏請正敵國之名時論韙之虜亦竟以是  
屈久之 上問越之謀吳甚難何也公遂歷陳勾踐范蠡為謀  
先後之序非如後世規模不定僥倖戰勝之謂又因 上論本  
朝兵勢似弱公奏本朝立國以仁仁故似弱然社稷靈長職此  
之由上深以為然蓋大義不可以不明大計不可以不審君臣  
朝夕是究是圖精神契合廟謨堅定不為異論所搖在樞筦五  
年如增山陽江陵之戍遴選邊方之帥守創行內外諸軍點試  
之法申嚴民兵萬拏手之教閱抑未嘗一日少弛武備也或傳

虜酋遠從種數相攻同姓分據上京邊臣結約夏國一切屏去  
不屑勸 上持重勿為為之動既而所傳果妄也上由是益嘉  
公先見之明未參大政嘗奏自昔治少亂多未有數十年常晏  
然者今幸小康當防患於未亂既登相位又言今內外寧謐二  
十餘年此正可懼之時當思經遠之計杜漸防微憂深思遠都  
俞賡載之間不忘驚戒蓋古之大臣所以責難於其君者汲汲  
若此 孝廟英明神聖臣莫敢望其清光曲學謏聞游辭飾  
說造膝之間無不盡得其底蘊然而虛已言聞善若不及公  
又能援据古誼開廣 上心參稽無實切當事情是以每奏稱

善在位最久得君最專凡見於議論設施之大者未可以悉數  
惟公之職論思也典禮有訛失公為是正之朝政有關遺公為  
規益之國論有紛紜公為折衷之及其秉政也獎用一善政未  
必出於公之闡陳而天下莫不贊美曰此必公之意也人心不  
齊天籟自鳴其所以使之厭服至此者豈亦道乎歲晚歸休自  
放於林泉者又十有六年平生淡泊無他玩好惟耽嗜圖史至  
老不~~衰~~<sup>衰</sup>門無雜賓海內人士有能以片文隻字自致於公者輒  
忘年忘~~日~~<sup>分</sup>與之交際雖酬酢終日不倦也研精覃思為書滿家  
篇詠書題流播四方人爭寶而藏之斯亦古之所謂有德而有

言者矣傳不云乎中立而不倚和不流惟公有焉是以溥博  
淵泉而時出之溢而為詞章炳而為德業皆公之餘事也謹按  
謚法道德博聞曰文廉公方正曰忠攷行易名東時二美豈無  
他人莫如公宜請謚曰文忠謹議宣教郎守秘書省著作郎兼  
沂王府小教授兼權考功郎官許奕撰到覆謚議曰謚行之則  
也曰文曰忠謚之至美者也漢以前複謚不數數見至唐幾半  
簡策然合是二美以配厥德四人而已其間褚遂良李元紘當  
時已有遺議獨顏真卿韓休名與行尊凜凜百世五代衰落無  
全人如盧質濫不足道我國朝渡江以前得是者六而富公弼

歐陽公修蘇公軾為之稱首蓋其選嚴則人之望之加重故少  
 傳贈太師益國周公其歐蘇之流亞也歟公器渾然多識而守  
 正博達而人不犯前代典章故實網羅授證各有據依處大事  
 斷大疑從容一語而決事君以直道自任事所不可不局縮苟  
 從上往往以宰執宣諭守益固坐在斤弗悔久之 上反以是  
 得公迄大用處履踐一適於正其志不古人不止而今人卒亦  
 莫能及也方公在後省 孝宗皇帝實始嗣位虜以使至索舊  
 禮朝議恹然公建言時異事殊宜勿聽與 上意合由是一正  
 敵國之軀及掌樞柄 上銳意大有為邊臣鼓舞其說謂虜外

內釁迭作不可失機當是時 上亦為動公獨言茲事軀大不  
 可輕發貽後憂如是者再已而所傳皆虛也上以是睠公益厚  
 公規模建置宏大審固不可目前苟且計諸軍陞差置籍不時  
 點召主帥懷激無敢容其私創行諸事點試之法其在外則復  
 解發之制而親閱之天下於是知朝廷不一日忘武意有議戒  
 山陽戍及併江陵屯兵於襄陽公執不可大抵皆自治治人策  
 也既正宰席益務守 祖宗法度謹名器抑恩倖遴帥守惜民  
 力其於人才合同異毫細無所畧 上前辨論反復曲折率主  
 於當嘗為上言人主無惟在察臣下邪正凡輕於任事速於求

附錄  
其職久而不已其害不勝言其持重議大體類與發為辭章神  
造天出溫淳雅正駿發明厲各適臆宜掌內外制餘十年一時  
大典冊皆出公手天下學士傳風矜式焉然皆發持滿流既溢  
激射鴻洞非如他人遇事作機杼軋軋如也嗚呼才之難於全  
久矣自昔蜚英文苑之士往往與世異轍事業風采傾動天下  
而文無傳焉善此而畧彼得一而遺二蓋其積也不厚則其發  
也有所窮如公逢辰得君負衡據鼎膏被天下而斯文之光  
煥乎如日星麗天物物呈露斯可謂炳炳烈烈為宋之章者

矣末節益高邁杜門十五年者書滿家吮六籍之腹咀百家之  
華四方碑版得公筆然滿意始終聲名無毫黍玷缺識浩然歸  
重考行訓德曰文曰忠與韓顏富歐蘇諸公並傳於無窮不其  
偉哉或曰今之謚均美而已矣夫何擇雖然抑有公議焉有司  
按法上其事天子可之天下從而然之是之謂公惟公故秉

筆者無媿辭太常議謂豈無他人莫如公宜斯言猶信謹議今  
來本官合行定謚候勅命指揮下日出給謚告付本家仍牒  
照會伏候指揮二月十五日三省同奉聖旨依尚書吏部  
故任少傅觀文殿大學士致仕益國食邑一萬五千六百

附錄卷第三  
戶食實封五千八百戶贈太師周必大

牒奉

勅宣賜謚曰文忠

附錄卷第三

附錄卷第四

神道碑

宋故少傅觀文殿大學士致仕益國公食邑一萬五千六百戶  
食實封五千八百戶贈太師謚文忠周公神道碑

通議大夫提舉江州太平興宮奉化縣開國伯食邑八百戶

樓鑰撰并書

目

資政殿大學士中大夫提舉臨安府洞霄宮天外郡開國侯  
食邑一千八百戶食實封三百戶賜紫金魚袋趙彥逾題蓋  
孝宗皇帝在位二十八年厲精求治久而不倦 聖德日新光



附錄  
卷四  
紹

祖宗宰相凡十有五人名良會遇可謂盛矣求其相為終始全德備福未有如益國周文忠者始公親見 龍飛

御名之立已嘗預議中間再以力排權倖沮其方用忤 旨云

國略不少貶大夫之過計者謂公不復用矣 聖明洞照愈加

褒擢遂至元宰任天下之重周旋密勿終贊典 子之決以

孝宗之實睿實聰公之明敏肅給真千載之遇而又事 光宗

於春宮夾輔 初政功成身退既掛衣冠猶被 主上寵光者

十年嗚呼其可謂 聖朝之宗臣矣公薨之二年嗣子綸以書

抵四明樓鑰曰先公既葬而隨 碑未立謂鑰荷公之知晚而益

深又嘗待罪太史氏 碑為之辭且示以今參知政事李公璧所

作行狀鑰不佞謹撫其大槩洎平日見聞之實而書之公諱必

大字子充一字洪道世為鄭州管城縣人曾祖 衍朝奉郎祖詵

左朝散大夫父利建以上舍魁登第終左宣教郎大學博士以

公貴三世俱贈太師秦國公曾祖妣郭氏祖妣潘氏李氏張氏

妣王氏俱贈秦公夫人宣和中祖為吉州通判因家馬外祖給

事親知平江府靖康元年公生於郡治幼歸信州外家從汲人

陳持學太夫人躬督誦書卒至夜分十三而太夫人卒公記誦

絕人徒手入舉場有問者應如響文又工緻遂名薦書紹興二  
十一年擢進士第授左迪功郎徽州司戶參軍改監行在和劑  
局門以鄰火罷二十七年中博學宏詞科循左修職即建康府  
府學教授三十一年除太學祿召試館職高宗稱奏篇謂  
它日可掌制除祕書省正字循左文林郎三十一年改左宣教  
郎兼權國史院編修官三十二年五月除監察御史六月  
孝宗即位八月除起居郎直前奏事上曰朕舊見鄉文有近  
作進來此春注之始也侍立講筵奏勸講非為分章折句正欲  
從容訪問以裨聖聰究治躰兼編類聖政所詳定官暫權給

新卿

事中兼權中書舍木嘗論邊事上以蜀為憂對曰蜀民久困  
征求願降詔撫論許以事定寬其力又奏此歲史官不備故  
記注多闕欲先自六月十一日修纂前未備者併修之論翟婉  
容位官吏轉行礙止法事上曰初謂御止能文不謂剛正如

蜀諭

此公奏前宰執侍從依赦復職亦有不合人望當繳奏者  
上曰固然卿論事但令適中朕無不從也應詔條上十事皆  
切中時病其一嚴詮試之法又奏羣臣六參除朔望過外勿改  
舊制至今行之安穆皇后追冊祔饗公奏神主謁諸室前  
殿則不以欽宗之服而廢祖宗之樂別廟奉安則乞備而不

作金人未邀舊禮 詔從臣指陳定論公率同列奏向者 祐  
 陵未卜 慈寧未返以講好之故寧親寧神而遂所欲禮雖屈  
 而志則伸今而遽許之心謂我怯將友難塞之請使者之行當  
 再用鄰國之禮彼或有辭則告以通好於用兵之後以何名而  
 屈以何名而受耶事有當駁者皆在論其不可 上亟加獎歎  
 公亦言 陛下有納諫之資故臣事各思自竭龍大淵曾覲除  
 知閣門事公同給事中金安節奏大淵罷副都承旨覲罷帶御  
 器械俱以閣門之實遷也若以攀附舊恩尚有可諉正以搢紳  
 指目臺諫有言外議方喧而除命遽加 陛下於將相要官或

罷或貶一付公論畧無適莫獨此二人乃為之遷就諱避殆非  
 舍己從人之義也有旨罷劇就閑已尤公論尚茲回繳可特依  
 奏已而二相宣示 御札謂給舍為人鼓惑議論羣起小事豈  
 應如此公等奏言昧於事跡尊徇流俗輕瀆 天威居家候罪  
 再乞重賜竄責俱不允入謝 旨朕察卿務舉職但朕欲破朋  
 黨振紀綱耳旬日二相又道 上意已再除兩知閣且云後省  
 想亦無他公曰前已反汗今復申命豈敢但已格除目不下右  
 揆以聞越三日不獲命以信州遷奉請祠兩任主管台州崇道  
 觀軋道四年權發遣南劍州未赴六年改福建路提點刑獄公

候

事 陛對論帥臣有名而無其實將副具官而非其人又論雜  
舉中外文武之才以備選用益縣令之俸而責其廉及捕盜官  
候六考行賞執政奏議祕書少監 上可之仍令兼直學士院  
會草晁公武知楊州不允詔 御筆改定公引無事乞罷不許  
兼 國史院編修官初鄭聞草公制上改首尾詞公奏陛下取  
漢宣帝之言親制贊書明示好惡敢因訓詞權廣聖意臣觀漢  
社稷臣乃在手周勃之鄙樸汲黯之少文霍光之不學至於儒  
者持祿保位則公孫弘輩實為之故 宣帝嫉之以為俗儒不  
達時宜盖有激而云爾使宣帝求真儒用之何至雜霸哉 陛

下以漢為監則士風趨向歸于正矣

上曰卿學術精深記問

該博又嘗曰平昔所蘊可以自見矣自此當日久與卿論文卿

實錄院檢討官加上

德壽尊號公謂太上萬壽而紹興末議

文及近上表例用嗣皇帝為未安按建炎以後遥拜徽宗表及

唐憲宗上頌宗尊號冊文皆稱

皇帝議遂定趙丞相雄以中

書舍人奉使賀金主生日宗室伯驩為价

御扎生辰使兼齋

國書一封理合受書公立具草有云尊卑分定或校等威叔姪

情親豈嫌坐起後四月對祕殿

上曰朕未嘗諭國書之意而

卿能道朕心中事可謂大才賜坐久之欲退而不記來路上

指示之命內侍道而出七年奏四事重侍從以儲將相增臺諫  
 以廣耳目即官專以旌外康監司郡守皆當久位任上稱其為要  
 務皇太子領臨安尹公既章制因奏恐別無被受款依 詔書  
 体式降付東宮兼權兵部侍郎 上示學士院依隘公奏宮城  
 不容增廣 陛下欲卑宗室臣等居此亦過矣若遴選名儒而  
 信任之不在棟宇之麗也除權禮部侍郎仍兼直學士院升同  
 修國史 實錄院修撰有 旨公與吏部侍郎王之奇 太子  
 詹事陳良翰對 選德殿袖出 御札引唐太宗魏證問對以  
 在位之久功未有成治效優劣苦不自知各極陳其當否公退

而條陳練兵以圖恢復而用將之道未盡擇人以守郡國而責  
 實之方未至又指陳大將郡守易數之弊且言正觀政要四十  
 篇既先之以魏證論為君之道又著不克終之戒於編末蓋是  
 時惟證為善諫願思太宗廣諫諍之德使嘉言日聞治道日興  
 上嘉納且口力圖力革二弊又奏諫官虛位願早擇正人先參  
 朝用古制俾其品而厚其禮費其進言使姦邪望風畏戢消患  
 未形如近歲張松韓玉等使臺諫無所顧忘早為力言豈至勞  
 民費財始勤英斷雖天縱  
 濬哲安能盡見 上曰如人奕碁當局多誤惟旁觀乃見之朕

自此知戒矣又奏人主無職事惟在察臣下和正凡輕於任事而速於求售者它日必至敗事不可不察若疑儒者不足用而專謂才臣能趣辦今既累年其效可賭唐太宗之臣即隋之臣藝祖之臣即五代之臣非前愚而後智顧人主用之如何耳又論臣寮務為新說欲徼奇功王安石以堯舜之道告人主實行管商之術指司馬光蘇軾輩為流俗尤當深察之上曰蘇軾却是流俗可謂顛倒嘗奏江湖大旱上稱龔茂良措置有理公請出南庫緡錢二十萬代民租乃不乏事非不知大農急闕然艱食則益起盜起則調兵費可省乎上曰卿議論殊善使

請

朕聞所未聞謝曰臣惟以不欺事陛下兼侍講上以雨雪愆亢欲加精禱公奏洪範肅時雨若此殆言路曠官之證臺端一日不可闕今乃上旬不除上言未有人公奏百執事何至乏才兼御史臺令殿中闕具察官姓名取旨差權苟未欲輕用人亦可舉行此制上驚曰朕不知此遂宜論宰相具上又奏近奉詔以僕射名官非古欲更其名周之大宰卿也小宰中大夫也中間所改亦未可用上曰太宰今吏部尚書爾止欲為左右丞相如同中書門下平章事皆可削公遂歷奏前古沿革而退八年權中書舍人公奏西浙為今日根本之地而賦稅

供

附錄

周文忠公集卷四

七

拱億反重於他路且戶部既理財朝廷又理財爭肆漁取致以  
隱漏為名增無實之稅 上曰此漕臣之謬公曰 陛下既知  
何不改正因辭西掖且言外制之設正欲謹於出令凡有未當  
欲其繳故非專責以詞翰也 上曰正有望於卿因奏閩漕陳  
峴議變益法恐擾民難行又奏曹耜除府推事 上曰知其入  
才欲與寺丞公曰臣即有文字 上意不悅退而繳詞頭願別  
擇俊寮協贊元良耜知嚴州公亦免兼矣張說再除簽書樞密  
院王之奇賜出身並命公當草不允詔奏謂昨者舉朝以為不  
可 陛下欣然聽納嘗云茲事誠誤旋即改命曾未周歲復有  
此除貴戚預政公私兩失若謂西府間以武臣願擇大將有威  
望者畀之臣非欲專任文吏也且當是時之奇亦曾論奏今乃  
與說同升恐亦未當遽受也臣未敢具草時權給事中莫濟再  
封還御筆遂俱與外祠又趣公出門匹馬使面君翩然徑行九年  
除知建寧府再辭不允中道引疾提舉江州太平興國宮天下  
愈高之淳熙元年除右文殿修撰說罷召還除敷文閣待制兼  
侍講六月兼權兵部侍郎嘗論改官舉削到部放散之制復雖  
潤色然自公發之八月兼直學士院上稱公持重不迎合無附  
麗除兵部侍郎仍兼侍講進 太上尊號詔草 上曰此文難

附錄

周文忠公集卷四

七

於言而溫純典雅無一字可議公奏向者初上詔光堯之號臣

已預議庚寅之詔亦出臣手 上愕然曰前照亦卿所草耶兼

太子詹事 上諭史事公奏李燾於史學如耆飲食長編考證

異同罕見其比嘗論用人惟上智與下愚不移中人惟上所御

為官擇人則引中人為君子若為人擇官則引中才為小人今

不既數月已望遷擢後將無官可遷願力革此風愛惜名器又

奏兵將官刻削等事 上曰今不如此且言王友直極廉安有

刻下公曰昨聞殿司進羨餘二十萬緡此何從而得 上曰朕

已不受公曰雖則不受當思其所自来 上曰統制官不治財

賦統領却治之可相關防不致妄費公則曰此尤非也主將而

不須令各得懽心今因小吏更想猜察情既不通緩急何由得

其死力又奏聞 陛下日御毬場同知不忘閱武然 太祖二

百餘年之下屬在 聖躬可不自愛 上作色曰卿言甚忠得

非衝縶之虞乎正以讎耻未雪不欲自逸耳又奏聞金星近前

星 上曰止畧近公曰天道高遠當論人事武士擊毬 太子

亦與臣甚危之止曰卿可語 太子公曰 太子人子也 陛

下命以驅馳臣安敢勸以違命 陛下勿命之可也陛兼侍讀

大禮執緩備顧問除吏部侍郎奏 朝廷守至公之道有司持



一定之法行以無私熟不心服近乃有任怨之說法行以公人自無怨上曰朕每諭大臣彌縫人情無有是處四年除翰林院學士奏自唐至本朝優待詞臣以其無簿書之冗可以朝夕論思或有補於治道得人固多最可慕者陸贄歐陽修而已若乃進則有隱退則不密擠人而利已揚已以取名安能逃日月之照哉上曰學士宴見無時至為親近五年為御試詳定官屢乞去上問文士可代者聞呂祖謙能文公謂翰苑須用有學問者祖謙涵養既久習知典故史院甚得其力不但文字之工也得旨撰選德殿記又命書之後內直宣對別令中使引至碑下傳旨記文詞未贍蔚召卿觀覽既見上又有博美之稱歸至玉堂御書白居易七德舞賜之墨猶濕也後進呈皇朝文鑑序上曰卿之文在廷莫及真匠手也除禮部尚書兼翰林學士嘗論本朝專以仁立國兵非不用而以禁暴安人為本上曰兵勢似弱公曰仁故似弱實非弱也社稷靈長職此之由上曰所以益無禍亂公曰本朝似周彼秦兵雖興衰竟如何六年詔禮官詳議明堂典禮公奏祀帝祀天以祖宗配此前朝已行之制世俗止誦孝經之語未嘗深考其義致以今日為疑由是定園丘合宮互舉之議公再執緩草赦引周

漢故事有曰倣經路寢有皇祐之彛儀偏秩辟神有紹興之近  
 制蓋明著古禮以示來世也禮成獻詩又進動天之誠 上曰  
 動天誠當以德惟知道乃可語此公曰皇天親有德饗有道此  
 豈聰明作為所能為哉除吏部尚書兼翰林學士承旨論六部  
 長二判依字遂改為從嘗奏 祖宗涵養善類名卿才大夫相  
 望自章蔡沮士氣以壞風俗獎諛諂以植黨與卒致裔夷之禍  
 中興一洗前弊得人為多秦檜以患失之心濟忌刻之資引庸  
 人以充侍從對畢輒納副封既出其門無所不有人才衰落貽  
 患至今論思之職上規人主次及大臣下及四方安可納副封

耶願博求文武之英布列中外 上曰如魯開革今豈易得又

及舜之無為非皆無所為也特不為期會之屑屑耳又言自古

上自人君下至士庶鮮有不為左右前後之人所牽制者 上

謂公視草勞甚公奏臣素無汗馬之勞致此爵位正使宣吏文

字之間未為老也勞 上曰翰墨之功豈小補哉若大述作固當

煩卿七年五月除參知政事 上曰近見卿遇事殊不依違執

政之於宰相事任非遠自當和而不同公曰韓琦歐陽修殿上

曰有所事退則權然無間最為可法後又嘗曰前此宰相議事

執政更無語今乃有各述所見公奏大臣自有互相可否秦檜

用事執政至不敢措一辭後遂以為當然臣嘗以紹興初聖  
 語示同列勉其協濟况陛下虛心無我惟恐臣下不言人臣  
 乃欲自是乎惟小事不敢有隱則大事何緣蔽欺八月以久旱  
 御筆付三省求直言初回奏慮所在因是付賑濟之請公言  
 上明目達聰而吾儕不能將順獨不愧於心乎萬一上自行之  
 或以此奏示外豈不獲罪公議相亟從之又奏 聖明在上星  
 變早災殆繇臣等所致 上曰若封事及大臣朕須留中公曰  
 付出何害未聞有過而人不知也昌化有箭穀得未相以上再  
 三及此議宣示外庭公曰天若為瑞必無水旱乾道間有以九

疑錯

華山竹未為瑞而得罪者且宣和有此豈是休證遂已有乞改  
 常平不以赦原之法公奏紹興中因孔括申請遂與謀叛等同  
 科乞今削去只從海行法遇兩赦或非次赦聽原公嘗極陳氏  
 困之由 上問其故公曰且以平江府論之二十年前歸正添  
 等差官職用五萬緡今乃數倍支移折變之數日有所增齊民  
 安得不因此特其一爾 上為之悵然進呈湖北月椿錢數公  
 曰固出於不得已亦須平時有以存恤去歲旱荒君非 陛下  
 先事賑求禁戢苛暴何以免流殍言若舒州江革始謀不善若  
 如前代失軍民之心則乘災倡亂必致蠶起彼亦安有束身自

附錄

周文忠公集卷四

歸於司敗所貴得民正為是耳此非倉猝所能成其未有漸矣

上大以為然 上嘗為樞密非古官 公奏在唐止司傳導五

代始置崇政院分宰相之權 神宗亦有意廢併 聖諭可謂

盡善但二百年官制難以驟改不若且令二府互領更加熟慮

有恃長樂之援求為即者 上畢論給舍公奏臺諫給舍與三

省相維持豈可諭意不從則失軀從之則壞法命下之日臣等

自當執奏 上曰卿等肯如此任怨公曰當與而不與則有怨

不當與何怨之云上歎曰此所謂任責非任怨也 上嘗言唐

鑑一書興衰治亂之理甚明公奏祖禹著書皆可備一夜之覽

篇篇即是諫疏九月除知樞密院事 上曰卿才堪其任三省

本未可輟卿每見難處之事卿以數語決之可謂敏矣 上謂

公如統制官之類可時與之接觀其才公因奏雷世覽說淮南

地形緩急欲守滁臣謂不然廬和則當其衝滁阻山林可自守

而不可以禦敵楚州舊屯軍八千雷世方乞止差鎮江軍五千

人公奏山陽控扼清河口韓世忠實屯重兵今無減戍它時或

增必致虜疑揚州武絳軍有衆八千本屯山陽若歲撥三千同

戍誠為兩便十年奏白氣自西南直天宜為兵備 上曰日脚

之氣冬常有之公言此日官相寬之詞然有備乃能無患 上

附錄

周文忠公集卷四

三

嘗歎養兵費邦賦之入公奏自古未有五十年屯兵不解古者  
講和貴罷兵今既有有歲弊而兵不敢徹所以倍費文州蕃部  
劫殺二漢人吳挺止申照會公請督其根治使知朝廷事必留  
意不敢忽略日有萬幾不察於微弊不勝救 上曰自昔多因  
不防其微馴致禍敗温州軍士喧悖憲司欲先定汪義端刻削  
之罪仍正紀律公奏此風不可長恐兵驕愈郭果請移江陵萬  
二千人與其孥永屯襄陽公言止當以兵之半分戍果謂襄陽  
為要地而江陵亦在江北為吳楚喉衿事辦甚力乃許萬人且  
令騎兵晝行 上眷公益深嘗奏事退特命中使賜御筆卿臨

事明敏而有决朕每嘉之 宣諭金主避暑壽安所從器用倍

多且分諸子出鎮或謂欲至東都秋間議過上京公奏當預為

之備甚詳 上稱公通練君政深副朕擢用之意公謝曰臣本

以文墨受知豈能曉暢武事誤家任使不敢勉彼方恫疑慮悞

正恐我或先動所當精擇邊將鎮之以靜 上曰朕嘗戒臣下

以公心人自無說公曰所以私者欲收人情其未無窮得者寡

不得者衆若不裁以公道恐譽者不若毀者之多以 陛下聖

明臣等智慮所不及則有之何取有所欺也十一年奏廣中監

法既更州縣空乏事執可憂詹儀之胡庭直皆賢而才短故說

於革弊而不能計其後已而果然公言趙汝愚在福州百廢具舉攷國事殆不多得王希呂緩急當一面彼小廡曲謹雖無暇

可指却恐誤事却上曰如趙雄汝愚希呂皆帥才也義勝軍皆

契渤海漢兒慕義未歸屯於興元者御筆以金商山險欲移襄

陽用騎之地聞其營砦遭火火因以遷之公奏路經金洋當先

計人馬之數使郭果於襄陽預辦方可議遷更令彭果且以此

意深察衆情御筆批卿謀慮深遠良用嘉賞六月拜樞密使

上曰卿在西府光前絕後若有邊事宣撫使惟卿可它人不能

也呈諸軍陞差籍公奏已及一季欲間召一二雖不專用此取

人亦因以察其能否使主將不敢容私上令赴樞密院審察後

池州李思孝自言正將二人不能開弓乞與罷軍上曰此皆

樞密使措置之效比牒以上京道遠權上賀正生辰使一年

宣諭卿等料未必遣使今果不來可謂廟謨矣王希呂乞增兵

戍廬州上以萬弩手民兵已多止可分數千人公奏須與萬

人蓋當以正軍為主則帥司可立帥司既立則沿淮歸正山水

寨民兵皆為我用矣十二年留正申西兵已免起二年今年取

旨上以三衙不可闕欲全發未公奏襄陽兵少闕世雄欲得此

人虜不得志於四川又當送死淮南深恐睥睨荆襄遂與一年

金州謀帥公欲令侍從管軍薦舉 上曰大帥當自上除授公

曰舜用九官皆咨四岳與其私薦不若明揚若能考實孰敢妄

舉因論邊報異同 上獎諭云事無大小卿皆究心公又曰天

下安有不可措置之事 上曰昨密問一事即更條上數端深

謀遠慮朕所不及也 上謂王藺論事頗偏奏藺雖稍過然

汲黯在淮南寢謀盡言而不顧身者 陛下左右豈可無此等

人况以獻納為職若上下相蒙非國家之福也先是 御筆大

石契丹欲加兵於虜果有之在我豈得漠然固不可違誓或有

釁端何以為詞公奏彼一方小警何至移文宿泗若果有釁何

患無詞急在間探精密耳至是又論結約夏國事公奏頃嘗因

任令公帛書通信虜以示范成大夏國難保如此似未可也後

又報忽魯大王據上京上問公公奏茲事大當隨隨機應之

未幾上諭公所傳皆妄樞使真有先見之明矣廣東帥潘疇以

擅斬逃兵自劾勅 上批無罪公奏帥無便宜之文不經錄問詳

覆而斬四人雖銳於除惡然人命至重不可輕許洪邁守婺誅

首亂六人止是放罪後不妨旌賞十四年二月乙亥宣諭卿在

樞筦凡事無不經心更旬日拜相後人難繼丁亥拜右丞相尋

兼提舉 國史院會要所 勅令所 上諭以擢用人材及委

附錄

任之意公奏東府事繁非西樞此(古)自鮮有無事時今賴 陛  
 下勤政內外晏然殆將二紀此正可懼之時當思經遠之計又  
 奏舜禹君臣相戒唐太宗不存形迹臣等過失望 陛下隨事  
 戒敕免積罪戾臣有所見不敢廢弼直之義日有論奏動繫天  
 下休戚比至給舍繳駁駁臺諫論列已為後時不若致審於初又  
 奏人才不失之虛誇則失之緘默凡宜求篤實為國者大旱  
 求退甚力 上曰方賴卿等協贊若捨朕而去誰與共此又請  
 依慶曆中例降秩一等亦不許徧禱群望下詔求言遂奏實惠  
 及民莫若寬減夏稅施德當自近始會稽和買詭避至多請權  
 免一年徐議厘正秀州乞權減大軍總制錢二萬餘緡吏擬勘  
 當公曰此豈勘(當時)即奏蠲之 上方都注意採荒其所以贊寬  
 仁之政不可勝紀封事多言大臣同異公奏豈可尚同要當各  
 盡所見臣每謂同心得倘有未然雖面相詰責何害止欲歸  
 於是耳若人才邪正政事德失安危治忽所繫自當反復論難  
 陛下復得祖宗密白之制使三省官覆奏而後行正欲酌量可  
 否上下相維非止奉行文書也 高宗上僊始末稽攷制度奏  
 置 山陵五使贊成聖親孝哀禮兩備初欲用 顯仁例遣三  
 使公固謂事體不同不當曲徇會賀生辰使至 上在喪次議

山當



令館伴使發遣公奏賀禮固不可行但彼遠來朝無一辭於理未安遂口占數語使歸報後正旦使將至或請權易淡黃袍

御殿受書然後素幄見使者公力陳不可止以縞素引見虜果心服 手詔討論 皇太子參決庶務典禮初欲開資善堂公

奏天禧時 仁廟尚幼始見輔臣恐不可用西晉有宣猷堂今作議事堂可也十五年正月戊戌公請 上特御延和殿令宰

執奏事畢然後過議事堂 思陵發引公奏 陛下既行三年之喪又有七月之制 求熙故典呂端一相猶攝太傅親往而

有司欲用 顯仁舊例非是遂再拜請行乃以公攝太傅 上慮使人堅欲上壽公奏引見受書即是成化禮上壽時不過隨

班拜舞若奏觴致詞皆無所預臣等保無事執 上欲先令侍從臺諫集議公曰 國家大事謀之帷幄中有不必詢衆者况

事理曉然不必徒為紛紛 上尤稱獎卿能任責如此國之幸也仲冬之初留身奏臣歸自陵下即欲求外緣京鐘使回 聖

慮未賀者求報復令臣少待今使已行願乞骸骨 上獎勞再三忽 宣諭此年病倦欲傳位 太子卿頃且留公奏 聖体

康寧止因孝思稍過豈應遽爾勸勤 上曰禮莫嚴於事宗廟而孟饗多以病而分詣孝莫大於執喪而不得 德

壽欲不退休得手勝方以此委卿公泣而退十二月壬申密賜  
紹興傳位親札宰相留身議定二月壬戌之吉又命公草 詔

專以奉几筵侍 東朝為意十六年正月己亥拜左丞相壬子

始因奏事 宣諭二府旬日當內禪又令公留身呈 詔草兼

提舉 玉牒及監修 曆二月辛酉朔降傳位詔翌日 上吉

服御紫宸殿公奏 陛下巽位與子古今盛典再見 聖朝中

外同慶臣等輔政無狀自此無由日侍 天顏無任依戀之至

哽噎幾不能言 上亦泣然曰正賴卿等協贊 新君永光宗社

問當世急務公奏用人求言二事尋即降 詔公積階至特進

爵自管城縣開國男至滎陽郡公歷封濟許二國三月拜少保

傳國公公以三孤之官不應以 露恩而得力辭不可又乞回

授至于四五不得已而後受馬奏以朔望之次日朝 重華宮

五月求去甚力既而諫省有言請益切 除觀文殿大學士判

潭州言者不已副端助之遂以少保充醴泉觀使而歸 孝宗

賜金器勞問紹熙改元判隆興府辭不赴二年除觀文殿學士

判潭州親理郡政不以簡貴自居罷信稅牙契錢二十萬緡三

年四月復元職七月坐所舉官以賄敗降滎陽郡公四年八月

復舊封冬易鎮隆興五年力求奉祠 主上踐祚 詔求言於

舊弼公奏四事曰聖孝曰敬天曰崇儉曰久任皆訐謨也遣閣  
 門官少傳告一再辭免始許貶思慶元元年公於是年七十矣  
 三上表引年遂少傳致仕嘉泰元年布衣上書及公姓名臺評  
 降一官明年乃復四年十月庚寅朔薨年七十有九累食邑一  
 萬五年六百戶食實封五千八百戶遺奏聞上為震悼輟朝兩  
 日贈太師賻銀絹各千仍命弔之子綸添差江南西路轉運司  
 主管帳司以讓襄奉尋賜謚文忠娶王氏監察御史葆之女封  
 益國夫人先一年薨一子即綸也朝請大夫行大理寺真孫顯  
 宣義郎新監饒州浮梁縣景德鎮兼煙火公事孫女五人長適

岡

承事郎監嘉興府糴納倉蕭豕餘尚幼初益國夫人葬廬陵縣  
 斗岡之原十二月丙申奉公之喪合馬公在 高宗朝已擢臺  
 察事孝宗最久始皆以詞章受知可以平挹美官而秉心不遇  
 事輒發不復顧身屢踏復奮上久而深察其精忠北門之官有  
 四公徧為之前後十年 西宮極孝治之盛講慶壽加尊號親  
 祠赦宥立后升儲過宮出郊無非盛事大典公皆在屬車間鋪  
 張揚厲實有以佐宋之光明若水旱灾異夷狄寇盜之辭咸無  
 焉自參預樞筦以歷二揆又涉十年榻前論事出入經史練習  
 典章動有援據不為空言故天子聳聽嘉獎而同列自以為不

及以國事為已任進退人才一本公道養民擇守憂邊訓兵仰

贊審眷謨慮周而敏被遇日隆數當大事典禮論議裁處曲當

內禪尤為至重吉日徽稱宮名 母后孝宗獨於公素定於旬

之前近將決旬始論宰執注意委任可謂不膠漆而固矣天資

超穎非凡才可及而肱夫子忠恕之道大易謙勞之議孝友淳

篤事從兄如諸親公自奉甚約絕艷色之娛周卹族姻具有恩意

官同姓者六異姓者五少自號省齋居士中年曰青原野夫既

貴而閑曰平園老叟孝宗生於丁未一時輔多相在丙午丁未間

公及丞相王公准參政錢公良臣同為參樞人謂三府為丙午

坊公嘗作詩用文潞公同生丙午之韻告老之後猶引故等夷

之齊年者生朝同會用韻賦詩者數年方其端委廟堂一介之

善收拾如恐不及退而均逸汲引無虛日士類莫不歸心焉以

文苑英華及六一居士集說舛太甚率同志者朱黃手校如老

書生鋟板家塾以惠學者卜築貢院故基公實預薦此地故以

克賦名堂作唐虞二典各藏兩朝內禪書洎 崇陵宸翰又為

玉和蜀錦二堂皆自為之記晚歲康強神明不衰天下猶望公

之再起不謂天之不憖遺也嗚呼殄瘁之痛四海所同有如鑰

之不肖素辱知遇假守東嘉屢有收用之意未滿秩而公已歸

比忝代言公之除少傅既加恩而與草制又四作不允詔書嘗  
象摘句稱賞投閑以來書函詩筒倍加獎予當世銘記多求於  
公間使鑰書之公已書冊或徑以賤姓名題蓋此意甚厚皆非  
所敢當也嘗竊謂公初入禁林自謂所慕者惟陸宣公歐陽  
文忠公公之始卒絕似二公者無事不言無言不盡而卒至大  
用上不負天子下不負所學既不媿於宣公而得時遇主無  
追仇盡言之患文忠晚居于頻望瀧崗而不得歸公乃優游平  
園使里人矜式是兼二公之美而又無遺恨者也若克勤小物  
誘掖後進皆公之細不勝書有省齋文彙平園續彙掖垣叢彙  
玉堂雜紀龍飛錄親征錄及閑居錄等書總二百卷藏於家其  
行於世者已多屬文之士傳誦以為模楷之文不待贊揚微至  
題跋之語考古證今歲月先後通徹明白讀者歎服末為三忠  
堂記謂歐陽文忠楊忠襄胡忠簡皆郡人也精確簡嚴幾於絕  
筆嗚呼一代風流於焉盡矣鑰何足以銘公銘曰

世非乏才

何謂才難

有君無臣

自古所歎

吝驕平凡

動則為已

不合是憂

安得倚偉

直道而行

無患失心

一有遇合

奚趨斷金

於皇

孝宗

才選於衆

誕謾畏縮

慨不足用 堂堂益公 負王佐才 始以文鳴

芸省蘭臺 高文大冊 追配古作 獨步禁林

不負所學 二十八年 胡為始終 屢貽而奮

致身上公 堯既授 舜 舜亦命

禹 首贊大議 龍飛再覩 功成身退

樂哉平園 晚陳四事 不已于言 既掛衣冠

無與世道 胡不百年 遺此一老 星隕于堂

人之云亡 不亡者存 文章光芒 惟子是似

觀行取則 後其有興 視此銘刻

附錄卷第四

附錄卷第五

忠文耆德之碑

宋故少傅觀文殿大學士致仕益國公贈太師謚文忠周公神

道碑正議大夫守吏部尚書兼翰林學士知制誥兼侍讀

兼修

國史兼實錄院修撰奉化郡開國侯食邑一千戶臣樓鑰

奉

勅撰

朝散大夫試尚書吏部侍郎兼直學士院兼侍講兼修玉

牒

官賜紫金魚袋臣章良能奉勅書

嘉泰四年十月庚寅朔左丞相少傅觀文殿大學士益國周公  
享年七十有九薨于吉州之里第十二月丙申葬于廬陵縣斗

岡之原至嘉定元年公之子綸告于

朝曰先臣備位者相既

葬而隧碑未立敢泣以請天子曰噫此

四朝之宗臣也謚以

文忠

御書忠文耆德之碑以賜且

詔臣鑰為之文臣鑰不

接荷

文忠公知獎之深屏居四明先已撰公隧道之碑矣

聖

思起於告老之餘待罪翰苑欲飲前碑以辭論又曰昔歐陽公

修已銘程文簡公之墓復以

勅命為之碑故事甚切願毋辭

臣既供史館敢不敬承

明旨以答孝子之請以揚公之休

光用詔後世公諱必大字子充一字洪道世家鄭州之管城曾

祖衍朝奉即妣郭氏祖誥左朝散大夫妣潘氏張氏利建左

宣教即太學博士妣王氏公既貴三世累贈太師秦國公妣俱

贈秦國夫人宣和中祖通判吉州因家焉公幼而孤十三又遭

內艱天資高亮記問絕人紹興二十一年擢進士第授左迪功

郎徽州司戶參軍政監行在和劑局門二十七年中博學宏

詞科建康府府學教授三十年除太學錄詔試館職高宗



見奏篇曰它日可掌制除祕書省正字次年改左宣教郎兼權國史院編修官明年五月除監察御史六月 孝宗即位八月

除起居郎直前奏事 上曰朕舊見卿文可進近作兼編類

聖政所詳定官暫權給事中兼權中書舍人嘗論翟婉容位官

吏轉行礙止法事 上曰初上謂卿能文不謂剛正如此此皆

被 眷注之始也應詔條 上十事皆切時病其一嚴銓試之

法又奏羣臣六參除朔望過 宫外勿改舊制至今行之事有

未便者不憚極論 上亟獎歎公亦言 陛下有納諫之資故

臣輩各思自竭龍大淵曾覲除知閣門事公與給事中金安公

節同奏大淵罷副都承旨覲龍帶一御器械俱為知閣若以攀

附 舊恩尚有可諉正以播紳指目臺諫有言外議方喧而除

依奏既而再除公曰前已反汗今復申命豈敢但已格 除目

不下越三日不獲 命以遷奉請祠兩任管台州崇道觀乾道

四年權發遣南建州未赴六年改福建路提點刑獄公事 陛

對留為祕書少監兼直學士院兼 國史院編修官 上改告

詞首尾公奏 陛下取漢宣帝之意親制贊書臣觀漢社稷臣

乃在周勃汲黯霍光之徒儒者公孫弘輩皆持祿保位故宣帝

以為俗儒不達時宜使宣帝求真儒用之何至難霸哉 上曰

卿學術精深記問該博所蘊可以見當日夕與卿論文兼實錄院檢討官加上德壽尊號公謂 太上萬壽而紹興末議文及

近上表用 嗣皇為未安按建炎以後遥拜 徽宗表及唐憲

宗上順宗尊號冊文皆稱 皇帝議遂定七年奏四事重侍從

以儲將相增臺諫以廣耳目即官專以旌外庸監司郡守皆當

久任 上稱以為要務兼權兵部侍郎 上云學士院狹隘公

奏宮城不容增廣陛下欲卑宮室臣等居此亦週矣若遴選

名儒而信任之不在棟宇之麗也除權禮部侍郎仍兼直學士

院陞同修 國史 實錄院修撰有 旨公與吏部侍郎王之

奇 太子詹事陳良翰對 選德殿出 御禮引唐太宗魏證

問對以在位之久功未有成治效優劣苦不自知使各極陳其

當否公退而條陳練兵以圖恢復而用將之道未盡擇人以守

郡國而責實之方未至又指陳大將郡守易數之弊且言正觀貞

政要四十篇既先之以魏證論為君之道又著不克終之戒於

篇末蓋是時惟證善諫願思太宗廣諫諍之德使嘉言日聞治

道日興 上嘉納又奏諫官虛位願蚤擇正人 先朝參用古

制厚卑其品而後其禮責其盡言使姦邪望風畏戢銷患未形如

近歲張松韓玉等使臺諫無所顧忌蚤為力言豈志勞民費財

始勤英斷會朕自此知戒矣又奏人主無職事惟在察臣下和

正允輕於任事速於求售者必致敗事若疑儒者不足用而專

用才臣今既累年其效可睹唐太宗之臣即隋之臣藝祖

之臣即五代之臣非前愚而後智顧人主用之何如耳又論臣

察務為新說欲徵奇功王安石以堯舜之道告君實行管商之

術指司馬光蘇軾輩為流俗尤當察之江湖元早上稱龔茂良

措置有理公請出緡錢二十萬代民租乃不之事非不知縣官

急闕然倉則盜起則調兵費可省乎上曰卿議論殊善使

朕聞所未聞兼侍講又奏近奉詔以僕射名多官非古欲更其

名周之太宰卿也小宰中大夫也中間所改非是上曰止欲

為左右丞相如同中書門下平章事皆可削公遂奏前古沿革

而退八年兼中書舍人固辭且言外制之設正欲謹於出令凡

有未當欲其繳奏非專責以詞翰也責必詞翰也卒因繳奏而

遂免兼張說再除簽書樞密院公當草不允詔奏謂昨者舉

朝以為不可陛下欣然聽納曾未周歲復有此除貴戚盛預政

公私兩失臣未敢具草時權給事中莫濟亦封還御筆遂俱與

外祠九年除知建寧府再辭不許中道引疾提舉江州太平興

國宮天下愈高之淳熙元年除右文殿修撰說罷召為敷文閣制

兼侍講六月兼權兵部侍郎八月兼直學士院上嘗稱公持重不迎合無附麗除兵部侍郎兼侍講進 太上尊號詔草

上曰此文難於言而溫純典雅無一字可議公奏初上 光堯之號臣已預議度之詔亦 出臣手 上愕然曰前詔亦卿所

庚寅

草邦兼大子詹事嘗論人用惟上智與下愚不移中人惟上所御為官擇人則引中人為君子為人擇官則引中才為小人奏

聞 陛下日御毬場固知不忘閱武然 太祖二百餘年之天

下屬在 聖躬不自愛 上作色曰卿言甚忠正以雖未耻來雪

不欲自逸耳嘗奏聞金星近前星武士繫毬太子亦與臣甚危

之 上曰卿可語 太子公曰 太子人子也 陛下命以驅

馳臣安敢勸以違命 陛下勿命之可也 陛下 侍讀郊祀煙

禮執緩備 顧問除吏部侍郎奏朝廷守至公之道有司持一

定之法行以無私孰不心服四年除翰林學士奏自唐至本

廟優待詞臣以其無簿書之冗可以朝夕論思或有補於治道

得人固多最可慕者陸贄歐陽脩也五年為 御試詳定官得

旨撰 選德殿記及 皇朝文鑑序 上尤稱之 賜御書白

居易七德舞墨猶濕也除禮部尚書兼翰林學士嘗謂 本朝

專以仁立國而又以禁暴安人為本 上曰兵勢似弱公曰仁

故似弱實非弱也社稷靈長職此之由 上曰所以並無禍亂  
公曰 本朝似周秦兵雖彊興衰竟如何六年 詔禮官詳議

明堂典禮公定園丘合宮之舉之議再執緩草赦明著古禮以  
示來世禮成獻詩又進動天之戒 上曰動天誠當以德惟知

道乃可語此公曰皇天親有德饗有道此豈聰明作為所能為  
哉除吏部尚書兼翰林學士承 旨論六部長二判依字改為

從 上謂公視草勞甚公奏臣素無汗馬之勞致此爵位宣力  
文字之間未為勞也 上曰翰墨之功豈小補哉若大述作固

當煩卿七年五月除參知政事 上曰卿遇事殊不依違宰執

自當和而不同公曰韓琦歐陽殿上曰有事爭退則歡然最為

可法大臣自應互相可否秦檜用事執政至不敢措一辭後遂

以為當然 陛下惟恐臣下不言人臣乃欲自事乎嘗極陳民

困之由上問其故公曰且以平江府論之二十年前歸王添差

等官歲用五萬緡今已數倍民安得不因此特其一耳 上為

之悵然進呈湖北月椿錢數公曰固出於不得已亦須平時有

存卹去歲旱荒若非先事賑救禁戢苛暴何以免流殍之苦

舒州汪革始謀不善若如前代失軍民之心則乘災倡亂必致

蠶起亦安肯束身自歸以取敗所貴得民正為是耳此非倉猝

所能成也 上深以為然有恃 長樂之授求為即者 上俾

諭給舍繳奏 公謂不可諭意不從則失軀從之則壞法令下

臣等自當執奏 上曰卿等肯任怨如此公當與而不與則有

怨不當與而不與何怨之云 上歎曰所謂任責非任怨也九

月知樞密院事 上曰三省本未可輟卿每見難處之事卿以

數語決之可謂敏矣 上嘗歎養兵費邦賦之入公奏自古未

見五十年屯兵不解古者講和則罷兵今既有歲弊而兵不敢

徹所以信費 上眷公益深嘗奏事退賜御筆卿臨事明敏而

有決朕每嘉之又稱公通練軍政深副擢用之意公謝曰臣本

以文墨受知豈曉武事誤蒙任使不敢不勉十年 御筆欲移

輿元義勝軍於襄陽此軍皆契丹渤海漢兒慕義來歸者 上

以金高山險非用騎之地聞其營砦遺火因遷之公奏路經金

洋當先計人馬之數使郭果於襄陽預辦更令彭果具以此意

深察衆情六月拜樞密使 上曰卿在西府光前絕後若有邊

事宣撫使惟卿可為也先是金主避暑壽安過上京北牒以道

遠權上賀正生辰使甲一年 宣諭卿嘗料未必遣使今果不來

可謂廟謨矣十二年金州謀帥公欲合侍從管軍薦舉上曰軍

帥當自上除授公曰舜用九官皆咨四岳與其私薦不若明揚

若能攷實孰敢妄舉因論邊報異同上獎諭云事無巨細卿皆究心昨密問一事條上數端深謀遠慮朕所不及也上謂王蘭論事頗偏公奏蘭雖稍過然汲黯在朝淮南寢謀盡言而不顧身帝之左右豈可無此等人况以獻納為職若上下相蒙非國之福也御筆嘗謂大石契丹欲加兵於虜又諭結約夏國又有忽魯竊據上京之報公奏但當嚴備隨機應之未幾上諭公所傳皆妄真有先見之明矣十四年二月乙亥<sub>宣</sub>論卿在樞筦事皆經心更旬日拜相後人難繼也丁亥拜右丞相尋兼提舉國史院會要所勅令所上諭以委任之意公奏自

古鮮有無事時今賴陛下勤政內外晏然殆將二紀此正可懼之時當思經遠之計又奏舜禹君臣相戒唐太宗不存形迹臣等過失望隨事戒敕免積罪戾臣有所見不敢廢弼直之義日有論奏動繫天下休戚比至給舍繳駁臺諫論列已為後時不若致審於初又奏人才不失之虛夸則失之緘默凡<sub>用</sub>宜求篤實為國者因早求退甚力請依慶曆中例降秩皆不許遂奏實惠及民莫若寬減夏稅施德當自近始上方篤意救荒其所以贊寬仁<sub>之</sub>知政不可勝記封事多言宰執同異公奏要當各盡所見豈可尚同既是協心體國苟有未然雖面詰何害若人

才邪正政事得失安危所繫自應反覆論難止欲歸於是耳

陛下復 祖宗密白之制使三省覆奏而後行正欲上下相維

非止奉行文書也 高宗陞遐始末稽攷制度奏置 山陵五

使贊成 聖孝哀禮兩備會賀 生辰使至 上在喪次議令

館伴使諭遣公奏賀禮固不可行但彼行人遠來而朝無一辭

於理未安遂口占數語使歸報焉正旦使將至或請易淡黃袍

御殿受書然後素幄見使者公力陳不可止以縞素引見虜果

心服 手詔討論 皇太子參典禮初欲開資善堂公奏天

禧故實恐不宜於今不若取西晉宣猷堂為議事堂十五年正

月戊戌公請 上特御延和殿令宰執奏事畢始過議事堂思

陵發引公奏永熙故典呂端一相猶攝太傅親往而欲用必無

事執 上欲先令待從臺諫集議公曰 國之重事謀之帷幄

有不必詢衆者上尤稱獎卿能如此 國之幸也仲冬之初奏

乞骸骨忽 宣諭以病倦欲傳位太子卿須少留公奏 聖軀

康寧止是 孝思稍過豈應倦勤 上曰禮莫嚴於事 宗廟

而孟饗多以病而分諸孝莫重於執喪而不得日至德壽欲不

退休得手勝朕以此委卿公泣而退十二月壬申密賜 紹興傳

位 親禮札宰相留身議定二月壬戌之吉又命公草 詔專以



奉 凡 廷侍東朝為意十六年正月己亥拜左丞相壬子因奏

事始 諭二府旬日當內禪又令公獨呈 詔兼提舉玉牒及

監修 日曆二月辛酉朔降 傳位詔翌日 上吉服御 紫

宸殿公奏 陛下巽位與子古今盛典再見 聖朝中外同慶

臣等輔政無狀自此無由日侍 天顏無任依戀之至哽噎幾

不能言 上亦泣然曰 正賴卿等協贊 新君光宗首問當

時急務公奏用人求言二事尋即降 詔公積階至特進爵自

管城縣開國男至滎陽郡公歷封濟許二國公三月拜少保益

國公公以三孤之官不應以 覃需而得力辭不可又乞回授

至于四五不得已始受之奏以朔 皇 之次日朝 重華宮五月

求去 甚既諫 方而見省有言請益切除觀文殿大學士判潭州言者不

已殿中助之遂以少保充醴泉觀使而歸 孝宗賜金器勞問

紹熙改元判隆興府辭不赴二年除觀文殿學士判潭州罷信

稅牙契錢二十萬緡郡皆親理之三年四月復元職七月坐所

舉官以顯 賄 敗降滎陽郡公四年八月復舊封冬易鎮隆興力求

奉祠 主上登極求言於舊弼公奏 聖孝敬天崇檢久任四

事皆切於世用遣閣門官賜少傅告榷免至再始許馳恩慶元

元年於是公年七十矣三表引年遂以少傅致仕嘉泰元年布

衣上書及公姓名臺評降一官明年乃復遺奏既聞上為震悼輟朝二日贈太師賻銀絹各千案食邑一萬五千六百戶食實封五千八百戶娶王氏監察御史葆之女益國夫人先一年薨一子即綸也朝請大夫新知筠州軍州事孫顯宣義郎新監饒州浮梁縣景德鎮兼煙火公事孫女五人長適承事郎監嘉興府糴納倉蕭豕餘尚幼嗚呼天之生公固授之以間氣公之出仕亦可謂千載之遇矣自次科以至致終五十有三年始以學文受知高宗孝宗以至位極人臣晚輔光宗之初政退被主上之休孝宗在位二十有八年公實相為終始其中

中以十年出入翰苑時方承平極鋪揚厲之美以十年輔政秉鈞畫輔贊彌縫之妙而以逆折姦鋒深忤上意事定言驗得眷餘隆致身元宰出處為時重輕幾無纖瑕微類之可措文章則追配作者議論則究極古今風度張九齡謀謨如崔祐甫宋廣平之守文杜如晦之善斷公幾兼之乃所願則尤切切於陸宣公歐陽文忠此非臣之私言也平日著述為書十餘種總為二百卷行於世校之前碑撮取其名節國事而略其餘謹再拜特書以對揚休命銘曰

睿

魏魏 孝宗 天賜廣智 二十八年

是為盛際 猗歟益公 善始以終 始進以文

終察其忠 再折姦萌 逆鱗以批 事定言驗

表表忠節 獻納論思 知無不為 彌縫輔贊

百工惟熙 三聖相授 同守一道 公實佐之

家有 宸藻 憂邊思職 具存宏模

臨飢徹斷 華夷密如 告老既休 著書自若

拳拳斯文 以惠後學 天不慙遺 殄瘁興悲

既銘公墓 又勒豐碑 生榮死哀 身美

君顯 是為宗臣 後慶其衍

附錄卷第五

周益文忠公年譜

欽宗靖康元年丙午

觀

是歲公之外王父王給事觀知平江府皇考秦偕皇妣秦國

秦

夫人随侍七月十五日巳時公生於府治

建炎元年丁未

五月高宗即位改元

建炎二年戊申

倅

考

挈

是歲大父秦公~~倅~~廬改皇考奉使湖湘因挈家歸省

建炎三年巳酉

是歲車駕在維揚大父秩滿入覲皇考隨侍薨於揚州

紹興元年辛亥 紹興二年壬子 紹興三年癸丑

紹興四年甲寅 紹興五年乙卯 公年十歲

紹興六年丙辰

是歲外祖母衛國朱夫人過廬陵皇妣奉大母秦國夫人之命挈公及姊弟隨侍寓於信州乃命公從汲人陳持學

紹興七年丁巳

是歲衛國朱夫人薨皇妣哀毀致疾

紹興八年戊午

正月乙巳皇妣秦國夫人薨二月壬申權厝于州北茶山時

伯文金紫將漕廣東道出上饒挈公及姊弟以歸

紹興九年己未

紹興十年庚申

是歲金紫罷官北歸公隨侍留贛

紹興十一年辛酉

紹興十二年壬戌

紹興十三年癸亥

紹興十四年甲子

紹興公年二十

紹興十六年

紹興十七年丁卯

是歲金紫再守辰州公侍行

紹興十八年戊辰

紹興十九年己巳

是歲金紫丁張夫人憂公隨侍歸贛

紹興二十年庚午

正月合葬大秦公張夫人于吉州廬陵縣音澤鄉金鳳山是秋

公與廬陵薦送

紹興二十一年辛未

是歲公擢進士第授左迪功郎徽州司戶參軍司封郎官王

公葆許以女妻公公復歸贛

紹興二十二年壬申

是秋齊述叛公從居于吉冬權贛州零都縣尉

紹興二十三年癸酉

是歲公親迎于平江之崑山

紹興二十四年甲戌

十二月改差監行在太平和劑局門壬寅到任寓漾沙坑

紹興二十五年乙亥

公年三十

紹興二十六年丙子

正月庚戌子綸生六月己亥晦比隣王運屬家火延燒數十

家公坐是去官時分舅王公守廣德公挈家過之因少留

紹興二十七年丁丑

是歲公中博學宏詞科差充建康府府學教授循佐修職即

制詞勅左迪功郎新差充建康府府學教授周謀國家自紹

聖以來該詞學一科竟取異能之士行之既久所得為多肆

朕中興新文益振今試于春官者數十倍而爾以粹文獨與

斯選拔尤若此陞秩匪褒姑游泮宮以美甄擢可特授此修

職即差遣如故周麟之行

紹興二十八年戊寅

二月癸巳到任

紹興二十九年己卯

七月壬寅漕檄考試宣城八月壬子朔抵宣城入試院九月

丙戌還官所

紹興三十年庚辰

二月癸酉除太學錄

制詞左修職即周謀可特授依前左  
修職即太學錄填見闕勅左文林郎蔣

第等朕恢復學校崇師儒唯採擇之加詳故除授之不數以爾第問學淵源甲科之選其譚經師席以迪多士以爾藻業實也朕既以名取之必試之以事庶考爾之實尚勉之哉可依前件業兼亨行

周某

四月庚戌供職六月循左文林郎八月乙卯子柔弟卒九月

丁丑公召試館職戊戌入和寧門赴學士院試策癸卯除秘

書省正字制詞左文林郎行太學錄周某等特授依前左文

林郎秘書省正字勅左文林郎行太學錄周某等蘭堂圖書之府英俊是儲然預遊其間者必是之而後用朕

所以遵祖宗之制也以爾某之詞之偉蚤較異科爾大昌

問學之優有藪庠校茲命策之制也酬對可觀並較成均之

聯註正中秘之籍益思涵養俟揀求可依前件楊邦弼行

十月己巳輪對後殿

紹興三十一年辛巳

三月己丑被宣赴垂拱殿受勅克公試補試數考校官四月

庚午改授左宣教郎十月丁亥兼國史院編修官

紹興三十二年壬午

五月庚子除監察御史制詞勅左宣教郎秘書省正字兼權

之冊府以須不次之用蓋亦居久而後察也爾華贍之文燦

于給禮篤實之論具于奏篇斯固察之矣擢居憲府助朕耳

三普

周某文集卷

五



御史勅左宣教郎守殿中侍御史張震等朕以初正君臨祇奉慈訓愛推慶澤溥及萬方凡爾有官咸進厥秩矧居臺省有親被寵光往其欽承以對休命可依前件

劉珙行八月戊

寅 皇帝讀

德壽宮奏上

太上皇后尊號冊寶奉勅舉

太上皇后尊號寶行事丁亥除起居郎

制詞勅左奉議郎守監察御史周其典

不作惟勛華授受之秘與夫一時廢歌出治之道世果得而傳耶國家繼繼承承赫然若前日事固足以追還千載於負

宸

○

惟夙夜祇惕以無忘元首股肱之界實自此始爾高詞懿學拔自名場茲副簡求冠於螭陛言動之紀汝得以親承論

界

思之職汝得以參與稽古在昔二美斯存尚勉為以九月光述作可特授依前左奉議郎試起居郎唐文若行

丁未兼編類聖政所詳定官丁巳兼權中書舍人又時暫兼

權給事中

隆興元年癸未

三月甲辰同金給事安節繳龍大淵曾覲除知閤指揮戊午

入奏以遷祔乞祠主管台州崇道觀五月至寧都省尚氏姊

六月壬午至吉寓居永和鎮本覺寺

隆興二年甲申

乾道元年乙酉

公年四十六六月磨勘轉左承議郎十一月再任台州崇道觀

乾道二年丙戌

三月尚氏姊卒十月公如上饒遷奉皇妣秦國夫人柩歸廬

陵十二月丁酉襄奉子膏澤鄉長岡之原別求輔穴葬子柔弟公各為之誌

乾道三年丁亥

三月壬寅携家泛舟入浙省外舅疾乙丑達宜興八月丙申磨勘轉左朝奉即戊午發宜興十二月丙申至吉

四月除權發遣南劍州建

乾道五年己丑

乾道六年庚寅

是歲南劍建闕到當奏事四月丁亥舟發永和戊戌至豐城已

亥得省劄改除閩憲五月己亥抵崑六月丁丑祇受告命制

詞

勅左朝奉即權發遣南劍州軍州主管學事兼管内勸農事周其朕分遣使軺敷求民瘼謂與其試材於踈遠煙微之士則熟若借重於薦揚望實之人茲適原隰之行乃得絲綸之舊將令遠俗識我近臣爾文揆春華學推武庫蜚聲塲屋而枝仙桂之相高寓直禁林三峽詞源之爭驚自厭承明之直久嗟太史之留茲俾按於祥刑姑少觀於儒效其謹六條之察俾無庶獄之寬停訖外庸嗣膺殊渥可持授依前左朝奉即權發遣福建路提點刑獄公事兼本路勸農提舉河渠公事填現闕仍借是日入北關門七月壬辰入和寧門對于後殿辦王矩行

農

丙申除秘書少監兼直學士院

制詞勅左朝奉即周其士之致遠器識為先古有格言朕

常三復故雖以科目取士而不專以文藝用也爾以儒術第進士奮詞業應為時用常顯於朝矣比觀入對益知涵養茲釋憲臺之寄俾從道山之遊峻直壑坡職清地遺惟少監參太史之事庶資直諒而北門當視草之任正緊才華若夫是

鄰

臨

古而非今矜名而眩實如俗儒所為者朕實鄙之宜知所趨以對休命可特授依前左朝奉郎試秘書少監兼權直學士院鄭是日又受磨勘轉左朝散郎告九月戊子兼國史院編

修官兼實錄院檢討官十一月庚寅 車駕朝獻景靈宮太

廟壬午郊祀大禮皆克讀冊官行事

乾道七年辛卯

正月丙子朔 太慶殿發 太上皇帝壽聖皇后加上尊號

冊寶攝禮侍奏嚴外辦又差充舉保行事三月丁酉 上御

正殿授 皇太子冊寶捧寶行事五月乙亥朔兼權兵部侍

郎七月壬辰除權禮部侍郎丁酉有 旨仍兼權直學士院

升同修國史實錄院同修撰 制詞勅朕遠稽載郁之文監於

是咨能賢俾二掌禮左朝散郎試秘書少監兼權直學士院

兼國史院編修官實錄院檢討官兼權兵部侍郎周某尚右

作者為時人德性守 宮庭常時立獨行而不顧文章諧

於詔獲有一倡三歎之遺音朕夙聞其摘藻之工嘗試以出

給之命乃方羔而難進雖回遠以益光建茲再見之期年安

有用賢而累日 唐舉禁列以贊春卿夫問揖遜之儀者何足

以治神人聽鑑 錘五音者何足以被動植其願中和之致來

奠制作之成益尊見聞嗣有選任可特授依前左朝散郎權

尚書禮部侍郎兼權直學士院兼同 九月己卯兼講 制詞勅

修國史實錄院同修撰范成大行 朕當萬

幾之暇玩好都損探六藝之 聖是對光復金華之故事博

延虎觀之諸儒左朝散郎權尚書禮部侍郎兼權直學士院

兼同修國史實錄院同修撰賜紫金魚袋周某富 瞻辭源酌

馬馬不竭淵澄學海測之益深曩以才華而收宏博之科今以

學器識而處直之任茂膺茲選孰 田不宜夫會有本元豈在於

斷句離章之末約歸簡易庶明乎至德要道之端整爾多聞

三書

詞

揆

詢

副子遜志可特授依前左朝散郎權尚書禮部侍郎兼直學士院兼同修國史實錄院同修撰兼侍講賜如故林幾行

乾道八年壬辰

正月庚辰時暫兼權中書舍人二月癸丑張銳王之奇除簽

樞並上章辭免新命公入奏未敢撰不允詔草乙卯有旨與

在外宮觀日下出國門六月己未至吉庚申挈家入望雲門

新居

乾道九年癸巳

正月除知建寧府制詞勅左朝散郎賜紫金魚袋周某言語侍從之臣朕所望以朝夕論思日月獻納

者也間有均秩于外顧瞻在列念之不忘嘗與朕三禮分直北門以有顯庸者某武圖爾居莫如南服爾宏才與學獨步

一時大冊雄文推高兩禁簪筆入侍知無不為乃眷賢勞久安祠館建寧吾潛藩其俗健武而尚氣可以義服不可以力

勝顧豈輕畀哉昔五仲舒為蘇刺史唐穆宗謂其文可思最宜為誥朕於汝幾是矣善撫吾民嗣有異寵可特授依前左

朝散郎知建寧軍府事提舉學士兼管内勸農使公再請祠替任文薦到任成資闕賜如故王准行

不允八月戊辰挈家離吉舟次豐城復以疾告九月丁巳提

舉江州太平興國宮十月丁丑公還吉

淳熙元年甲午

正月磨勘轉朝請郎四月戊寅除又文殿修撰制詞勅朝請郎提舉江州

太平興國宮賜紫金魚袋周某朕臨朝思治稽古右文惟時著撰之華晉與嚴疑之直儻非名勝曷副選掄爾學探道源

才標國器論事据昔人之正能言推當世之工蚤參兩禁之游雅擅三長之譽討論潤色豈徒追鄭國之賢能獻納論思

固已備歎臣之風采粵從補外久遂養恬即書殿以聯榮俾  
儒林之增重宜承眷渥以俟甄陞可特授依前朝請即充右  
文殿修撰差遣賜如故王准行  
十二月召赴行在

淳熙二年乙未

正月丙午公離吉二月甲子次餘干縣省外姑三月庚子入

國門壬寅對於隱岫癸卯除敷文閣待制講制詞勅替筆禁

議倫從容之益無薄書倥偬之勞自非名儒不在茲選朝請  
即充右文殿修撰賜金魚袋周某某挺剛方之操守端靜之規

蚤脫穎於群英即儀遍于華貫起自真祠之逸未膺宣室之  
咨朕方稽二帝三王之心以圖康乂爾惟富六藝百家之學

宜共講明受錫賢書俾躋重席茲益親於晝接其備告於辰  
猷可特授依前朝請即充敷文閣待制侍講賜如故湯邦彥行

六月壬戌兼權兵部侍郎八月丁卯兼直學士院閏九月癸

丑除兵部侍郎制詞勅國家之設武部職固簡於周官論思

每歎於才難朝請即充敷文閣待制侍講兼權兵部侍郎兼

直學士院賜紫金魚袋周某某事幾先見其微議論不負所

學粵從聞館召寘西清資爾文以黼予言藉爾識以訐謨古

義間者五兵之虛立嘗令三組以交垂迨此暇時具尺籍五

符而不調迺能極意於夕修晝訪而有明即不當積日以為

功亦可待為直於滿遂其祗新渥以究遠模教民而可以即

戎固無忘於率曲敬王則不陳非道其益務於高心可特授

依前朝請即試尚書兵部侍郎兼直學士院賜如故程大昌行

丁巳兼侍講制詞勅朕惟總攬萬幾之餘探賸六經之粹於  
春秋繫事雖因廣紀而備言然褒成文莫非懲  
惡而勸善疇咨鴻博入奉燕闈朝請即試尚書兵部侍郎兼  
直學士院賜紫金魚袋周某某名擅儒宗學臻聖域自編儀於  
禁路常備竭於嘉猷既侍金華之講以濟其淵源又參玉堂  
之直以據其藻麗肆為直於武部爰申命於通英俾加紬繹  
之勤以助緝熙之益載念仁皇可傳之法深名仲尼不刊之  
書丁度開其端宋綬繼其傳皆嘗於從容之際而見乎咨問

齋 齋 齋

之間朕仰遵 列祖之規摹方資折衷爾其攷三傳之同異以廣發揮益思古訓之稽庶獲多聞之效可特授依前朝請即試尚書兵部侍郎兼侍講 兼直學士院賜如故蕭燧行 閣

十月丙申兼太子詹事十一月戊申朔 大慶殿 大上皇

帝壽 聖皇后加上尊號冊寶權禮侍押寶案十二月辛巳

磨勘轉朝奉大夫

制詞勅周人序群吏之勞以八相而馭貴虞氏雖九官之列猶三考而涉明庸昭核

之公不以崇卑而間朝請即試尚書兵部侍郎兼侍講兼直學士院兼太子詹事紫金魚袋周其忠多裨益朕所素知祿位每加身愈恭而退遜伐閱所積吏以時而舉颺肆循品秩之常以行褒進之律是云信賞豈用賢而日月為功顧猶歷階是惟君之名器不假儻更論思有所補會令吉利以相當其究爾庸以若茲訓可特授朝奉大夫依前試尚書兵部侍郎兼侍講兼直學士院兼太子詹事賜如故程大昌行

淳熙三年丙申

正月丙辰借兵部尚書永寧侯押伴全國賀正旦人使

御筵於赤岸三月辛未德壽慶典封管城縣開國男食邑三

百戶

制詞勅朕為歲曆相推有運無積慈極在常上壽康八千為春平格之休滋至五十而慕燕寧之日方長若

時通聯宜同茲慶朝奉大夫試尚書兵部侍郎兼侍講兼直學士院兼太子詹事賜紫金魚袋周其靜淵以敏亮直而文為言語侍從之臣豐於裨益允君臣父子之懿多所發揮此從簪筆之班誕楊奉冊之意覽而心善如深中於情宜古謂色難喜獨臻為順適以此周行之衆膺大賚之施其啟封爵列之初仍錫壤井腴之富盍茂輸於忠蓋用上答褒揚可特授依前朝奉大夫試尚書兵部侍郎兼侍講兼直學士院兼太子詹事持封管城縣開國男食邑三百戶賜如故程大昌行大上曰曆成四月丙戌轉朝散大夫 制詞勅紹承天統思協帝華巍平其有成功具

存三紀之政實之以為大訓宜垂四擊之文緊予法從之臣  
 嘗居大使之職奏篇未上第賞有差朝奉大夫試尚書兵  
 部侍郎兼侍講兼直學士院兼太子詹事管城縣開國男食  
 邑三百戶賜紫金魚袋周某學富而聞多氣沐而守正編儀  
 清近蔚有聲光書命之行當時未有及者禮樂之任疑議皆  
 取決焉茲寓直於禁林復陞華於講席大典一出於其手嘉  
 禁婁沃於朕心顧千卷之信書籍諸儒之緒業夷考所居之  
 官重亮知載筆之功多肆谷賢勞晉陞文秩其對揚於休命  
 當嗣有於褒遷可特授朝散大夫依前事尚書兵部侍郎兼  
 侍講兼侍學士院兼太子詹事封賜如故劉學諱行

九月甲辰兼侍讀制詞勅朕延鴻博之英侍清聞之燕以六  
 經載道既詳究於指歸顧列聖貽謀其

勿忘於矜式宜就陞於位次禪進讀於朕前覬大起於治功豈  
 直道為於觀美朝奉大夫試尚書兵部侍郎兼侍講兼直學士

院兼太子詹事管城縣開國男食邑三百戶賜紫金魚袋周  
 某蚤以高名之學徧揚華近之塗正直不回多所論思之益  
 文章有軀形於播告之修自事參管城縣屢在橫經之列訪  
 問多至中夕顧茲蓋非一朝時方率由於舊章必求明習於

故事繫眾所望非卿而誰選者儒以質史疑朕豈愧開元之  
 主讀寶訓而先政軀爾當如康定之臣可特授依前朝散大

夫試尚書兵部侍郎兼直學士院兼太  
 子詹事兼事讀封賜如故劉孝諱行 十月丙子 文德殿

發中宮冊寶進解嚴牙牌十一月壬子 上寧太廟登玉輅

過青城郊祀大禮克執緩官辛酉赴璿璣觀奏告奉安北斗

神像幹辦本宮霍汝弼傳旨賜香茶十二月丙子 車駕恭

謝太一宮次詣璿璣觀簪花御圃對御酒三行宣勸兩盞丁

酉進封開國子加食邑二百戶制詞勅玉輅以祀時乃周道  
 若陞侍于左執此良緩則屬

文學之臣豈獨以密近為榮實蓄所聞以時有問朝散大夫  
 試尚書兵部侍郎兼侍讀兼直學士院兼太子詹事管城縣  
 開國男食邑三百戶賜紫金魚袋周某詳雅而釋回齋莊而  
 去偽正立之容廼有可觀自進發廟門至于擅公鸞鳴和應

勤

淳熙四年丁酉

祐陵實錄成五月乙丑轉朝請大夫

制詞勅朕祗若皇猷茂揚祖烈惟祐陵左御

格

匪匪翼所以安予乘而肅民瞻也其嘉汝有助哉今熙事既成所不愛於汝者子爵之進也采邑之加也如使軍度戎物常以整備則汝不負於新寵者在是可特授依前朝散大夫試尚書兵部侍郎兼侍讀兼直學士院兼太子詹事進封管城縣開國子加食二乙未除吏部侍郎制詞國昌在於得百戶賜汝故陳騏行

不謹鑒銓則公評幾息弗清流品則倖冒晏繁雖設長以聽馬庸擇才而二此朝散大夫試尚書兵部侍郎兼直學士院兼太子詹事兼侍讀管城縣開國子食邑五百戶賜紫金魚袋周某性極謹肫忠醇學足以裕詢咨文足以華孚渙立朝所以見節而汝節之弗渝臨事然後見能而汝能之甚幾眷久參於圻父獲五戎咸整之拜宜德亞於豕卿底六叙備修之績副予則哲止爾克勤可特授依前朝散大夫試尚書吏部侍郎兼直學士院兼太子詹事兼侍讀封賜如故陳騏行

蓋踰兩紀之年而實錄之書當傳萬世之信中更放失雖就編摩念猶闕於舊聞詔申加於載筆奏篇來上褒律是頒朝散大夫試尚書吏部侍郎兼直學士院兼太子詹事兼侍讀管城縣開國子食邑五百戶賜紫金魚袋周某學造淵源文知軀要掌內外之制居多潤色之功歷講之官備整切劑之益茲勒成於大典嘗允賴於良才多所發明為之嘉嘆用序遷於華秩以顯答於曰勞其軀朕思益殫儒效可特授散請大夫依前試尚書吏部侍郎兼直學士院兼太子詹事兼侍讀封賜如故

丁卯除翰林學士制詞勅朕考唐室之制重翰苑之臣謂文誥悉由中書或有起時之弊以供奉改稱學士專密命之司逮我本朝用為故事恩禮加異搢紳所榮既非他才之可居宜求已試而後用朝散請大夫試尚書吏部侍郎兼直學士院兼太子詹事兼侍讀管城縣開國子食邑五百戶賜紫金魚袋周某心醇而履正學廣而聞多密決異科編儀禁路雖平居周密不言溫木之名而議事雍容時號聚花之論游寓壘坡之直屢當禱典之行掩盛事於前聞布大喜於天下允號令一出其手猶卜筮罔不是孚副予遴簡之懷庸正久虛之席豈特資



於潤色蓋欲備於疇咨裁大議於中足為內相之職舉至治之要毋忘夜對之時尚追配於古人以永有於休譽可特授依前朝請大夫充翰林學士知制誥兼太子詹事兼侍讀封賜如故劉孝躋行 六月辛巳忠翊即學

士院待詔錢滋宣詔入院七月甲子兼修國史九月戊午同

宰執侍從宣赴芙蓉閣觀擊毬次內宴選德殿有和 御製

詩十一月庚申磨勘轉朝議大夫 制詞勅朕待非常之才不

格乃廷故雖甘泉之近臣不廢審官之常法翰林學士朝請大夫知制誥兼太子詹事兼侍讀兼修國史管城縣開國子

食邑五百戶賜紫金魚袋周其蚤繇望實函踐清華不名一長寔兼數器以文章則擅常楊書詔之美以顧問則備崔高

古今之知典禮直哉惟清作史質而不俚倚切劇於經席賴贊護於儲闈學廣聞多揚歷益著職親地禁禮遇方隆顧惟

助朕之居多奚侍計切而後賞用遷華秩尚爾因歲月之成亦使庶僚知朕重器名之意可特授朝議大夫依前充翰林

學士知制誥兼太子詹事兼侍讀兼修國史封賜如故劉孝躋行

### 淳熙五年戊戌

正月己未乞補外降詔不允三月甲寅被宣充 御試舉人

詳定官五月丁酉對於隱秀得 旨撰選德殿記閏六月丙

午進呈記文九月乙丑中使李裕文傳旨令書丙寅進所書

殿記壬申 車駕幸秘書省賜宴右文殿十月戊申轉中奉

大夫 制詞勅望蓬來隔弱水嚴列聖之寶儲約史記修春秋奮宿儒之鴻筆肆予臨幸宜有恩榮翰林學士朝議大

夫知制誥兼太子詹事兼侍讀兼修國史管城縣開國子食邑五百戶賜紫金魚袋周其學廣多聞量宏德粹才兼數器

清 徧儀近之聯史有三長深明白削之旨逮茲清蹕之泣備觀汗青之勞爰錫贊書序廷崇秩萬世不刊之典允賴鋪張生

平未見之書靡勞紬繹欽承茂渥益告嘉猷可特中奉大夫  
依前充翰林學士知制誥兼太子詹事兼侍讀兼修國史封賜毅正丙行

壬子 會慶節攝殿中監以盤盞授上公十一月壬戌乞外

祠降詔不允不得再有陳請 甲申內直申時三刻宣至選

德殿別令中使引至新立所作記石之下傳 旨云記文詞

采贍蔚今初三石召卿觀覽宣坐賜酒賜茶賜 御書白居易

易七德舞七德歌一軸丁亥進謝 御書古風一首十二月

癸巳除禮部尚書兼翰林學士 制詞勅朕稽德於乾文惟亨嘉之會以合禮求治於履象

惟上下之辨以定民實待人而後行故設官而是掌莫重文昌之位用先清廟之才翰林學士中奉大夫知制誥兼太子詹

事兼侍讀兼修國史管城縣開國子食邑五百戶賜紫金魚袋周其識達顯微學究

造商瑚夏璉可方其質之温虞鼓周章宜比其文之麗與聞封拜之久宜居出納之尊予欲正

國以權衡則汝承予欲納民於防範則汝助母鄙敬承以為末母輕繇最以為迂秩宗本直清既已歸於姜的為命貴潤

色豈容捨於國僑可特授依前中奉大夫試禮部尚書兼翰林學士兼太子詹事兼侍讀

丙辰借端殿簽樞押半金國兼修國史封賜如故陳騏行

賀正旦人使御筵於都亭驛

淳熙六年己亥

正月辛酉上辛祈穀初獻官二月丙午得 旨撰文鑑序四

月辛卯進呈文鑑序日曆成書辛丑轉中大夫 制詞勅朕自膺傳緒累年

于茲申命著延直書無隱涉筆兼資於衆俊汗青至溢於千編允于纂修宜均恩渥中奉大夫試禮部尚書兼翰林學士

兼太子詹事兼侍讀兼修國史管城縣開國子食邑五百戶賜紫金魚袋周其學該百氏才擅三長頃為中秘之游寔董

承明之職大則策小則簡迄用有成藏之山傳之人可垂不朽雖已遷於曰次亦備錄於前勞賞於視功格當進秩爰錫贊書之寵用增從橐之華可特授中大夫依前試禮部尚書兼翰林學士兼太子詹事兼侍讀兼修國史封賜如故李木行五月己未乞外祠降詔不允丁卯夏至祀皇地祇初獻官東

宮講禮記徹章庚辰轉太中大夫制詞勅朕妙簡宮僚分講經術喜戴禮一編之竟錄

儲闈百執之勤宜被醜思莫先端尹中大夫試禮部尚書兼翰林學士兼太子詹事兼侍讀兼修國史管城縣開國子食

邑五百戶賜紫魚袋周其賦惟敦敏造道深醇敬以仁義與言既整論思之益事無小大皆統以兼言省之官嘉元良學

問之寢成實摠正表儀之素立屬訓解之終帙因遷陟以疇庸小其底我寵光率汝僚屬同勉漸摩之功益思輔導之方

可特授太中大夫依前試禮部尚書兼翰林學士兼太子詹事兼侍讀兼修國史封如故李木行

九月庚午上自太廟登玉輅入麗正門明堂大禮克執

緩官癸未請對乞外祠十月乙酉朔批依已降詔不允不

得再有陳請戊子從駕過太一宮璿璣觀對御五盞乙未

進封開國伯加食邑三百戶制詞勅蒐大室之儀舉明禋之典將事之夕尚煙云之蔽虧陰

福自天俄月星而明概乃眷侍臣之列助手比祀之修宜均餼惠之施載錫光華之寵太中大夫試禮部尚書兼翰林

學士兼太子詹事兼侍讀兼修國史管城縣開國子食邑五百戶周其道全德粹才周器宏夙夜在公威仰儀形之懿謀

猷告后備殫啟沃之忠予方翼翼而小心汝皆濟濟而敬事函商吐角以達和豫燭簫燎贊而升必芬神游宴娛景睨昭

答清明粲美慶熙事之備福成履緩之豈朕躬之專在稽尋典並渙思榮進陟執圭申信食賦昭事上帝朕允懷寅畏

之誠精白一心爾尚整交修之效可特授依前太中大夫試禮部尚書兼翰林學士兼太子詹事兼侍讀兼修國史進封

管城縣開國伯加食邑三百戶鄭丙行壬子金國賀會慶節人使朝辭被旨

款脫

予

性

餘對

入驛押宴十一月丙辰除吏部尚書翰林學士承旨

制詞勅天官綜

叙群才翰苑對揚密旨冠侍臣之首選極儒生之至榮非望

高於一時曷身兼於二任太中大夫試禮部尚書兼翰林學

士兼侍讀兼太子詹事兼修國史管城縣開國伯食邑八百

戶周其德全至粹道造大初蚤躡殊科事朕初載發言抗論

宿餘皆義禮之文摘藻揆庭對揚得制誥之體摠領數職勤

勞百為勸讀通英直筆東觀春官典履禮嚴直上於星東宮

為僚國本自成於羽翼比懇辭以求佚為眷懷而少留宜司

吏部之崇仍陟金鑿之長豈惟人才品藻若冰鑿之清明抑

使號令文章還古風而粹正往祗茂渥益勵遠猷可特授依

前太中大夫試吏部尚書兼翰林學士承旨兼侍讀兼太子

詹事兼修國史丁巳內批周某已除吏部尚書兼翰林學士

承旨降詔不允

承旨降詔不允

承旨降詔不允

承旨降詔不允

承旨降詔不允

承旨降詔不允

淳熙七年庚子

正月己未金國賀正人使朝辭被旨入驛押宴四月己酉

請對乞外祠庚戌拜不允詔入第二劄辛亥上批依已降

詔不允不得再請五月乙卯講筵讀三朝寶訓終篇賜金匣

端硯鞍馬丁巳賜御筵於祕書省道山堂己未謝表并詩戊

辰除參知政事御藥吳回宣押至都堂己巳門司謝安道宣

押赴內殿綴新班賜茶戊寅受經筵徹章轉通大夫告制詞

若稽祖訓覽三朝治要之書進讀經惟資一代儒臣之

彥久矣閱歲茲焉終篇肆疇陪侍之勤庸示褒陞之寵太中

大夫試吏部尚書兼翰林學士承旨兼侍讀兼太子詹事兼

方堯舜之道陳王前備形獻替文武之政布方冊尤稽指明  
矧朕開虎門訪問之初而爾司螭陛記注之任始終入奉禋  
益居多屬並叙於賢勞宜莫先於曰德爰推賞典用陟文階  
雖禁從崇班顧何論於祿秩然朝廷故事姑往服於榮恩可  
特授通議大夫依前試吏部尚書兼翰林學士承旨  
兼侍讀兼太子詹事兼修國史封如故施師點行 又受參

知政事告進封滎陽郡侯加食邑四百戶 制詞勅尚書喉舌

納大臣股寵之任紀綱賴以維持宜得時髦俾參國柄通議  
大夫試吏部尚書兼翰林學士承旨兼侍讀兼太子詹事兼

國史管城縣開國史食邑八百戶周其性端而道直才周而  
識宏文追作者之風學通時務之要黃鍾諧衆律備極之

和砥柱屹中流坐閱百川之注朕自初載擢于近階謀猷悉  
罄於中嘉操履克全於堅正朕明三入精白一心黃麻似六

經之醇久掌絲綸之命天官据群才之會獨專水鑑之明經  
惓日效於論思宮尹首資於調護總領衆職勤勞數年枚數

廷臣無出其右博稽人望素已允孚延登西酒之崇協贊萬  
幾之化爾其開衆正之路通群下之情調娛盡納於泰和豫

備迄成於整暇噫名盛而人斯責望益宜砥節以守公本強  
則朝有精神允賴新衝而履難欽予時訓同底丕平可特授

依前通議大夫參知政事進封滎陽郡開國 六月丙戌遷居  
侯加食邑四百戶食實封一百戶鄭丙行

政府戊子入謝 德壽宮 太上皇帝面賜 御書千文一

軸七月壬戌同提舉詳定一司勅令甲子中使賜生日生餼

米麪羊酒已卯禱雨天慶觀聖祖殿八月癸巳以旱災乞行

黜責甲午宣押者再御筆不允己亥雨賜酒果九月丙辰謝

雨 聖祖殿辛酉季秋祀上帝初獻官十月丁未 會慶節

入驛押伴金國人使宴十二月丙戌四朝史志成宰執赴史

院觀書主管諸司傳 旨賜酒賜香藥丙午未後隱秀奏事

曲安

淳熙八年辛丑

正月庚午轉通奉大夫加食邑五百戶

制詞勅 祖功宗德 昭奕世之規摹帝典

皇墳新一時之述作肆覽成篇之奏聿嚴邃閣之儲緊我洪儒宜旌舊績通議大夫參知政事同提舉詳定一司勅令榮陽郡開國侯食邑一千二百戶食實封一百戶周某學根於六藝文繼于兩都

以淵乎似道之資抗卓爾不群之志徧儀橐從嘉謀嘉謚之備聞亟踐柄塗立政立事之無闕克究經綸之韞蔚為廊廟之華朕述 神廟之丕彞迄獻陵之盛際

敷求雋乂褒次章程仰觀俯察之具陳大綱小紀之咸載凡昭厥後畢志于篇聖德聖明繼明既全灑靈之躰筆則筆削

則削允資潤色之工茲第賞於勞能頃寔多於論輯庸超命秩併行戶部萃厥寵章光其汗簡噫建八書而廣十志有嘉

傳信之公熙庶績而厘百工尚賴回寅之助往祗明訓益懋遠圖可特授通奉大夫依前參政事同提舉群定一司勅令

加食邑五百戶食實封二百戶木待問行 四月甲戌宣押赴講筵聽讀正說終篇

御藥院吏特賜目賜金帶象簡己卯賜 御筵道山堂五月

戊子同宰執以霖雨乞用慶曆故事一相兩參皆降官以塞

災異降詔不允十月乙丑會慶節入驛押伴金國人使宴十

一月庚辰冬至祀 上帝初獻官

淳熙九年壬寅

五月乙未留身乞罷政即往仙林寺門司楊皓宣押至堂復

過寺中晚受不允詔丙申門司甘昺宣押赴後殿再上表退

至省中中使茶湯訖復上馬過仙林有 旨不放出行李不

得先出通進司不得接文字晚再受不允詔丁酉門司李肅

宣押赴朝復宣押至堂九月庚午除知樞密院事門司李肅

宣押赴院治事丁亥受詔仍進封滎陽郡公加食邑四百戶

制詞勅朕由 祖宗之舊章分文武之二柄雖廟堂無甲兵

之問每思遠以憂深而夙夜惟寤之期宜責專而任重疇咨

近弼進長洪樞通奉大夫參知政事同提舉詳定一司勅令

滎陽郡開國侯食邑一千七百戶食實封三百戶周某學造

精微氣全剛大自登名於賢級遂接武於清班問古今則富

於崔高掌詔誥則求之元白極禮樂文章之選整論思獻納

之忠獨步壘坡久陪經幄言天下事足以任股肱之寄從吾

子游足以成羽翼之功爰繹師虞陟參機政講求時病屢試

囊中之方通達事情不拘紙上之語載嘉丕績無愧昔人厚

重如勃而文有餘明斷如瑜而才則過是用畀以本兵之柄

俾收蓋世之勲肆予之垂拱仰成賴爾之謀猷入告噫制提

捷秦楚時家一勝之常廣廈論唐虞有廟筭萬全之策往祇

明訓同底丕平可特授依前通奉大夫知樞密院事進 辛巳

封滎陽郡開國公加食邑四百戶食實封一百戶字文衍

明堂大禮充儀狀使十月己酉 車駕詣太一宮璿璣觀簪

花對 御五盃兩勸已未 會慶節入驛押伴金國人使宴

十一月甲戌正謝加食邑五百戶 制詞勅朕 祇率舊章存修

之誠並侑 祖宗武昭功德之報克贊鉅典實賴 元樞

建茲竣事之初宜錫均厘之慶通奉大夫之樞密院事滎陽

郡開國公食邑二千一百戶食實封四百戶周某才高識遠

德厚器法外無浮實之名內有顧言之行久參機政嘉 且夕

承弼之勲晉陟本兵暮夙夜宥密之命屬明禋之載講陪使

列以先期六服群 咸視於羽儀千乘萬騎兼資於督護侍

通奉大夫知樞密院事加食邑五百  
戶食實封二百戶封如故宇文价行  
十二月戊午赴喜雪御  
筵於尚書省

淳熙十年癸卯

二月壬子未時再奏事隱岫賜酒五行三月癸未 車駕幸

玉津園宣赴江亭賜酒三行七月乙亥禱雨社稷壇是日以

旱災乞罷黜宣押降詔不允者再又辭免生日特餼丙子

御批還政引災已難徇請積齡錫慶何必預辭辛巳雨宣賜

酒果丙戌謝雨社稷壇十月癸丑 會慶節入驛押伴金國

人使宴十一月庚寅冬至祀昊天上帝初獻官

淳熙十一年甲辰

正月己亥入驛押宴六月庚申 文德殿宣麻除樞密使御

藥鄧從訓宣押赴院治事有 旨立班恩數並依宰臣辛酉

御藥謝安道宣押赴新班壬戌鄧從訓賜不允批荅癸亥門

司劉光祖賜不允斷章批荅己巳殿門受告仍加食邑一千

戶制詞門下斗極之臨四方中經天緯之熙神樞之幹萬兵

古躡政途之峻眷我奕邦之哲率時基命之嚴暨闡於賢

猷蓋登隆於使範飭宣丕號告賜治廷通奉大夫知樞密院

事榮陽郡開國公食邑二千六百戶食實封六百戶周某端

亮而粹夷篤誠而宏裕問學貫九流之邃文章追三代之醇

蚤會休辰寢敷美業洪鍾發震隱然天地之和華玉昭庭允

矣邦家之寶雅績經綸之望進毗密勿之謨官攝群僚治克

先於上策輯柔四外勢端在於本朝閱歲方深運籌滋劭朕

三晉

同立之六六集卷

二

徽震

化



大明陟典申簡茂庸趣陞位次之崇增昇事權之重提綱斯在肅太武於本兵衍渥維新極陰名於密府移茲多邑益以

真祖載示殊褒載昭良績於戲德攸常而立武要資政事之修機不密則害成當謹謀猷之告往究規恢之蘊訖臻翼之

勲屬緊若元臣詎煩深詔可特授樞密使依前通奉大夫加食邑一千戶食實封四百戶封如故主者施行李嚙行

十月甲子宣宰執聽講未濟卦終篇十一月丙戌朔賜御筵道山堂御藥吳回傳旨賜鞍馬笏帶香茶

淳熙十二年乙巳

公年六十

正月辛卯上辛祀昊天上帝初獻官二月丁卯未時清華閣

再奏事賜宴酒五方戊辰內侍鄭大亨批目子賜出格茶龍

園勝雪潘衡墨六月庚辰入奏乞依慶曆二年故事命宰相

兼樞密使辛巳御批續聽處分十一月辛丑郊祀大禮克儀

仗使十二月庚戌朔大慶殿發太上皇帝壽聖皇帝加上

尊號寶冊權中書令前尊赴德壽宮奉冊讀冊行事先是

又克書冊文官

淳熙十三年丙午

正月癸巳受南郊加食邑一千戶告制詞門下執加牲而見

德以祈天任聿崇於顯相朕欽承鴻祐順攷彌文載郊

報以備成恩休而溥洽粵我本兵之寄膺時進律之褒渙有寵章格于公聽通奉大夫樞密使滎陽郡開國公食邑三千

敵之資運籌帷幄以賢人可大之業典職中樞機風化翼  
宣而持之以寬洪智略輻輳之於醇正得守文之軀於有謚  
明防患之端於未臻朝廷以尊安方內聞而悅穆協氣宣臻  
於穹壤彛儀秩舉於家邦當一陽肇復於黃鍾適三歲親祠  
於紫晴明禮備集風馬以來歆禋威盛容煥雲龍而在列使  
端收建祀事惟寅儼前導以肅離迄告成而顯鬯宜疇懿績  
用錫慶條俾衍拓於戶租示亟蒙於祭福於戲懋馨香之治  
既丕享於神明嚴宥密之基益究勤於夙夜尚祇美朕其濟  
宏畝可特授依前通奉大夫樞密使榮陽郡開國公加食邑  
一千戶食實封四百戶主者施行李瓌行

二月 德壽慶典轉正議大夫加食邑一千戶

制詞門下皇天眷祐以為

君懋寧親之要道聖人之大德而得壽申冠古之鴻名朕履  
緒明昌膺畝宏遠肆崇昭於丕冊庸茂衍於多祺迺眷本兵  
之賢有嘉秉筆之懿哀疏渙渥敷驗治廷通奉大夫樞密使  
榮陽郡開國公食邑四千六百戶食實封一千四百戶周某  
明允惠和端醇簡亮學傳道域孟荀羽翼於六經言協忠規  
益稷朕肱於庶事自服贊壤之任久咨康濟之才紆略術於

衍

前籌積功庸於右府使權增重儒效孔昭大臣之慮四方洞  
幾微未北司馬之掌九法消姦蹇於無形和氣交孚縉儀備  
舉會茲宸之介祉勒寶牒以揚輝彌文精琬琰之書盛  
事軼篇圖之載庭闈疊慶自天永錫於萬年惟懼酬勲與相  
貴同於一等方頒曠澤載飭豐章以德懋官升峻班朝之秩  
因田制賦錫分奠食之封併示殊榮式存茂業於戲養莫大  
於天下聿開備順之符樞始得其環中共廣靈壽之化誕惟  
勵翼服此顯褒可特授正議大夫依前樞密使榮陽郡開國  
公嘉食邑一千戶食實封四百戶 四月癸亥孟夏祀上帝初  
主者施行

直

獻官丙子宣詔宰執聽讀陸贄奏議終篇五月癸未赴秘書

省 御筵九月丙寅入奏乞外祠徑過仙林寺御藥關禮宣

押赴院降詔不允丁卯御藥張安中宣押赴朝奏事再納劄

子申前請張安中復宣押赴院有 旨通進司都門臨安府

寧

宥

共

本府依時上馬不許般移再降詔不許再請十二月戊寅赴  
喜雪 御筵於書省

淳熙十四年丁未

二月丁亥 文德殿宣麻轉光祿大夫右丞相加食邑一千

戶食實封四百戶御藥劉興祖宣押赴都堂治事庚寅門司

鄭大亨賜不充批荅癸巳御藥劉興祖賜不允斷表批荅

甲午更御藥黃邁宣押赴朝立新班提舉國史院提舉編

修國朝會要提舉勅令亥殿門受門制詞門下分政柄於東

謨於左右並崇宰路之瞻廼眷鴻儒寔嚴宥命越自本兵之

長進登次相之尊爰告明朝式敷坦制正議大夫樞密使榮

陽郡開國公食邑五千六百戶食實封一千八百戶周其行

醇而守正識茂而慮周經綸包萬變之微綜彙洞群言之奧

修身有道審觀君子之樞機正色在朝稔著賢人之德業運

帷籌於密勿增國祚於安疆天下之務惟幾沉究英謀之秘

儒者之效已 寔更華歲之多茲疇弼直之良務簡忠勞之

最熙帝之載禮特厚於奮庸代天之工職敢輕于理物匪資

碩望孰懋宏 儀而能夾輔予治乾台虎列象益炳於六

符廟鉉燮和勢更隆於九鼎峻陟文階之秩申開采邑之封

稽于簽階萃此微渥於戲唐虞建官之制莫先百揆之司周

辛卯以旱災乞罷政往浙江亭宣押者四降詔不允者再七月壬子禱雨圓壇充亞獻是日具奏乞免生日生餼又同王丞相黃參政乞減俸 御筆並依所乞丁卯雨八月壬申奏謝皇地祇辛卯 御筆宰執復舊俸十月癸酉太上皇帝服藥祈禱皇地祇是月撰 高宗謚冊文

淳熙十五年戊申

三月癸卯從 憲節皇后謚冊寶入 太廟奉冊授寶行事

乙巳從 高宗謚冊寶入 德壽宮奉冊授寶行事甲寅

高宗梓宮進發攝太傅持節前導 靈駕及奠謚寶監掩攢

宮四月辛未回達江下內侍梁彬傳宣撫問賜銀盒茶藥甲

戌延和奏事己丑明堂御札降奏告皇地祇五月丁巳差提

舉編修玉牒再具奏乞改差劉正權 御筆批依九月己亥

明堂大禮朝獻景靈宮初獻官辛丑大享明堂克大禮使辛

酉正謝進封濟國公加食邑一千戶食實封四百戶 制詞門下明堂

布政之宮飭親承於神祀大臣事君以道咨咸享於天心眷言顯相之吉屬舉宗祈之禮繫首崇於使範爰踵錫於靈厘

丕號播修群工典聽光祿大夫右丞相滎陽郡開國公食邑六千六百戶食實封二千二百戶周某高明而轉達端亮而

醇深以儒者之宗苞古今而會極負天下之重懋夙夜以奮庸方顯鈞軸之司深峻階符之望朝倫僉穆政體日新繇心

德之交孚措邦家之度又粵此季秋之饗冠于列辟之趨靈瑣竭度肅分於嘉薦總期劬報祇協于精禋辨章咸秩於彌

文勵翼具敷於碩畫肆茲拜况迄用告成方歆至治之馨香  
宜溥湛恩之汪濊顧惟宅揆可後疏榮稽疇公社之華進啓  
國封之渥衍荒圭食陪實井腴以饗大猷以番徽數於戲恭  
默而賚予弼敢忘尊帝之誠緝熙而單厥心痛倚佐王之效  
尚欽斯訓益續乃勲可特授依前光祿大夫右丞相進封濟  
國公加食邑一千戶食實封四百戶主者施行  
十月甲戌乙亥恭謝景靈宮丙子恭謝太一宮及本命殿璿  
璣觀十一月乙未公留身乞罷政上宣諭傳位太子之  
意朕方以此委卿不須留劄子

淳熙十六年己酉

正月己亥文德殿宣麻轉特進左丞相進封許國公加食  
邑一千戶食實封四百戶壬寅御藥闋禮宣押綴新班是日

以制詞不自安乞祠徑過靈芝寺闋禮宣押赴堂復出靈芝  
寺癸卯御藥鄭邦憲宣押赴國忌行香出北闕泊仁和館御  
藥張安仁宣押歸私第丙午後殿奏事退乞免從駕御藥黃  
邁就殿門傳旨上馬相繼行馬從駕回宣押至私第丁未

李璣知寧國府戊申黃邁就堂賜批荅不允乙酉門司李

彥正賜斷章批荅己未正謝制詞門下帝咨百揆以亮功蓋  
取衆賢之協王命六官而分職

莫如豕宰之尊朕稽述其猷儀圖峻德曠弼諧於政体俾登  
冠於台司誕爾明昭格予公聽光祿大夫右丞相濟國公食  
邑七千六百戶食實封二千六百戶周某道推先覺行迪大  
儒稟直方之氣而齊以疏通之才廟高遠之職而輔以醇正  
之學瞭若著龜之兆理灼見於古今確然金石之姿節靡渝  
於夙夜踐更二府酬酢萬機自進秉於國鈞迺備宣於賢韞

謀謨乎上，足以康庶事，表厲乎下，足以正群工。陰陽而理物，遂其宜，社稷安而國蒙其利，比繇顯任期，以首公望，深峻於中朝，位以崇於上，相紫綬金印之寵，即廊肆以不移，移黃耳玉鉉之輝，與泰符而增煥，褒駁斯至，倚屬匪輕，政已洽，則九務於調，娛勢以安，則當思於振飭，肆華資之超進，仍名社之序，陞衍拓爰租，申陪直食，併從令典，式備優恩，於戲仲虺，為左相於湯，寔懋日新之德，高平觀故事於漢，益明時之宜，化惟久，可以有成，志惟堅，可以有立，使茂業克安於萬世，則令名無愧於前人，勉迪訓言，欽承眷意，可特授特進左丞相，進封許國公，加食邑一千戶，食實封四百戶，主者施行，李璣行是日，內批兼提舉玉牒監修日曆，二月壬戌，光宗受禪，登寶位，三月辛卯，文德殿宣麻，轉少保，進封益國公，加食邑一千戶，實食封四百戶。

制詞門下朕祇 維康謨明弼諧繫股肱之攸賴

春予上宰為國宗臣既久翊於熙朝茲首禪於初政宜疏異渥以答殊勲爰輯庭紳誕敷詔綍特進左丞相許國公食邑

八千六百戶食實封三千戶周其忱恂而博達端亮而粹夷經濟之才足以開物而成務淵源之學始於誠意而正心頃自機庭晉登揆路修明百度雖小物而克勤酬酢萬微遇大事而能斷民瞻益聳國勢愈強仰惟壽皇將舉內禪舉

既傳之以道又復遺之以賢乃升冠於冢司俾輔成於聖計屬茲繼體方慶澤之廣覃其於褒功詎微章之可後肆升華於亞保庸增重於元台併開大國之封申衍爰田之食式昭曠遇榮厚竒於戲聖賢相逢治畢張夙已彰於成效后臣

克艱政乃又今方竚於嘉猷益究乃心爰俟多訓可特授少保依前左丞相進封益國公加食邑一千戶食實封四百戶仍令所司擇日備禮冊命公五具辭免皆降詔不允辛丑乞主者施行倪思行

序位在嘉王之下御批不允四月丙寅 皇帝親饗太廟充禮儀使五月乙未乞解機政降詔不允 宣如儀丙申入第

二第三第四奏是日諫議大夫上殿丁酉除觀文殿大學士

判潭州制詞門下三孤洪化元資弼亮之謨十國為連更賴  
蕃宣之略任雖殊於內外寵不異於始終爰即明廷  
誕敷丕號少保左丞相益國公食邑九千六百戶食實封三  
千四百戶周其量宏而識遠德詎而才全文高黼黻之華學  
富經綸之妙忠勤肱國孜孜而無不為通敏濟時綽綽乎有  
餘裕繫天下之重望結慈宸之深知預大政而秉洪樞迭司  
二柄繇次相而登上宰光輔兩朝舜傳有詔於謨謀益贊  
克禪於維治肆陞亞保增峻元台股肱良而庶事康方觀成  
效紀綱張而衆目舉甫立宏規俄遽露於需章願亟還於相  
印諭旨丁寧而莫奪陳情堅確而弗移既雅志之重遠在茂  
恩而宜厚是用付以長沙之巨屏俾作牧於上游寵以書殿  
之大名仍通班於左棘罔替眷懷之渥式昭體貌之優進退  
有光觀瞻咸聳於戲作舟楫汝用惜不為於朕躬毋金玉爾  
音尚樂殫於我告勉社明訓益懋外庸可特授觀文殿大學  
士依前少保判潭州軍州事兼管内勸農營田使充荆湖南  
路安撫使馬步軍都總管益國公食邑實封如故主者施行  
倪思壽皇御筆賜金器香茶戊戌再上辭免仍乞以元官奉

躬

祠殿中侍御史乞因辭勉從所請是日除醴泉觀使戊申次

宜興七月乙亥沂江九月戊辰至吉

紹興元年庚戌

三月二日孫顥生十月戊申除判隆興府制詞勅潛藩督府  
夙推地望之雄舊

弼名臣不替曠懷之厚屬茲謀帥重謂得賢爰錫褒緡式昭  
茂渥少保充醴泉觀使益國公食邑九千六百戶食實封三  
千四百戶周其量宏而識遠德詎而才全文高黼黻之華學  
富經綸之妙忠勤肱國孜孜而無不為通敏濟時綽綽乎有  
餘裕繫天下之重望結慈宸之深知預大政而秉洪樞迭司  
二柄繇次相而登上宰光輔兩朝舜傳有詔於謨謀益贊  
克禪於維治肆陞亞保增峻元台股肱良而庶事康方觀成  
效紀綱張而衆目舉甫立宏規俄遽露於需章願亟還於相  
印諭旨丁寧而莫奪陳情堅確而弗移既雅志之重遠在茂  
恩而宜厚是用付以長沙之巨屏俾作牧於上游寵以書殿  
之大名仍通班於左棘罔替眷懷之渥式昭體貌之優進退  
有光觀瞻咸聳於戲作舟楫汝用惜不為於朕躬毋金玉爾  
音尚樂殫於我告勉社明訓益懋外庸可特授觀文殿大學  
士依前少保判潭州軍州事兼管内勸農營田使充荆湖南  
路安撫使馬步軍都總管益國公食邑實封如故主者施行  
倪思壽皇御筆賜金器香茶戊戌再上辭免仍乞以元官奉

召

曹

管內勸農營田使克江南西路安撫使馬步軍都總管封食  
實封如故倪思行 公入奏再辭免降詔宜允

紹熙二年辛亥

若

八月壬午除觀文殿學士判潭州制詞勅書殿通班無君延  
思之峻价藩作屏尤推連

帥之崇眷言寅亮之賢父遂燕閒之適肆申前命用起舊人  
少保充本泉觀使益國公食邑九千六百戶食實封三千四

百戶周某經綸全才羽翼宿望光輔重華之治進位冢司親  
逢一道之傳弼予初政乃刻章而有請祈上印以歸休寵

以學士之隆名畀以長沙之巨鎮旋易祥源之使領游閱歲  
華近剖豫章之守符屢勤諭旨莫移素守姑遂雅懷朕惟均

勞逸者雖人主之恩分憂楊者實大臣之誼是用載頒初詔  
俾殿上游噫周公分東陝之權益使侯方之重召伯明南國

之教坐觀民俗之醇尚體眷懷亟祗褒渥可依前少保持授  
觀文殿學士判潭州軍州事兼管內勸農營田使克荆湖南

路安撫使馬步軍都總管封食封如故倪思行 三辭免降詔不允十一月己巳至潭

郊恩加食邑一千戶食實封四百戶制詞門下周祀昊天頌  
播肇裡之美漢祠雍時

史言初見之書朕踐祚以來卜郊云始考丕彛而循煥縵  
典以維新春言寅亮之賢實任蕃宣之寄宜放褒紳用錫神

厘少保觀文殿學士荆潭州軍州事兼管內勸農營田使充  
荆湖南路安撫使馬步軍都總管益國公食邑九千六百戶

食實封三千四百戶周某端肅而惠和忱恂而閑達二公洪  
化首毗初政之成十國為連載倚上游之重甫開藩而作牧

阻相祀以超班輸貢篚以在庭入包茅而共祭迨茲竣事可  
後疏恩爰增采邑之封東用聳殊方之望於戲姬公之分東

陝莫陪入裸之儀賈傳之在長沙孰對受厘之問因均福  
尤切注懷尚体眷私益殫忠盡可依前少保觀文殿學士判

潭州軍州事兼管內勸農營田使充荆湖南路安撫使馬步  
軍都總管益國公加食邑一千四百戶食實封四百戶主者

施行倪  
思行

紹熙三年壬子

時

傳



六月甲子受復觀文殿大學士告

制詞門下朕序進臣工率循彛憲惟廷思之峻職在

書殿以最高惟學士之大名非明

上游爰播明緡游頌前命必保觀文殿學士判潭州軍州事

兼管内勸農營田使充荆湖南路安撫使馬步軍都總管益

國公食邑一萬六百戶食實封三千八百戶周某道隆致主

德盛格天顯魁柄於兩朝用密藏於輔贊典方維

績藹著於蕃宣聲實愈孚眷懷永厚朕若稽皇祐加榮昌朝

始初紫宸之穹班用極鴻儒之殊寵矧如宿望有邁昔賢故

於上印之時嘗渙出綸之渥茲申初詔殆踰華表之榮式茂

新恩盡復青氈之曰以示至公之道以昭馭貴之權丕聳民

瞻增雄帥闡於戲賢者素輕乎富貴福豈計得失之間朝廷

莫重於器名蓋將寓黜陟之典往祗猷訓益懋勲庸可依前

少保持復觀文殿大學士判潭州軍州事兼管内勸農營田

使充荆湖南路安撫使馬步軍都總管益公再入奏辭免降

國公食邑食實封如故主者施行倪思行

詔不允不得再有陳情七月庚申坐舉監文思院常良孫降

榮陽郡公制詞門下國家設薦之科所以廣求才之路嚴保

於近列眷時旧弼允謂宗臣偶累知人之明可逃絀爵之罰

肆敷訓告用協彛章少保現文殿大學士判潭州軍州事兼

於

家

於

家

於

家

於

家

於

家

於

家

於

家

於

家

於

家

於

家

於

家

於

紹熙四年癸丑

如故主者施行倪思行

保觀文殿大學士判潭州軍州事兼管内勸農營田使充荆湖南路安撫使馬步軍都總管益國公食邑食實封

如故主者施行

八月丙辰受復益國公告

制詞門下行法由近而始厥既示天下以公知人自昔所難要當諒

君子之過矧已臻於滿歲宜俾復於舊封誕布明緡式孚群聽少保現文學士判潭州軍州事兼管內勸農營田使充荆湖南路安撫使馬步軍都總管降榮陽郡開國公食邑一萬六百戶食實封三千八百戶周其德全而才備識遠而量宏勲在兩朝望尤高於左棘政成九牧詠咸美於甘棠頃景慕于前修肆矜錄其後裔遂乖保任有昧賢愚繆舉必懲罰雖加于絀爵閱綹云久恩可復於滁按邦彛叙還公社以謹馭臣之典以彰補過之休於戲祚土分茅茲全歸於錫履推賢報其勿替於初心茂對寵光益殫忠蓋可依前少保現文殿大學士判潭州軍州事兼管內勸農營田使克荆湖南路安撫使馬步軍都總管時叙復益十二月己酉改判隆興府癸丑辭廟甲寅交印乙卯出城

紹熙五年甲寅

正月庚午至吉戊寅判隆興府告至

制詞勅詔起東山已報長沙之政符分南服尚

提新府之封乃睠元台載颺明訓少保觀文殿大學士判潭州軍州事兼管內勸農營田使充荆湖南路安撫使馬步軍都總管益國公食邑一萬六千八百戶周其閱深而肅靜聖正而裕季極論思獻納之工盡輔替彌縫之用始終一節光顯三朝進退百官聚英才而在列總領眾職任大事以不疑方安藥館之閑往鎮藩方之遠眷懷不替委寄則均政化流傳有類上公之分陝威名孚洽共朝大老之歸周惟此南昌尤為要地爰命三孤之重式端十乘之行矧彌寓居之鄉實令賜履之下既喜袞衣之寢近抑知畫繡之有光先嚴所臨群聽日聳噫令復庭戶當還平珮犢之風福及京師更佇自乘流根之效來綏四國式憲萬邦可依前少保現文殿大學士特授判隆興軍府兼管內勸農營田使充江南西路安撫使馬步軍都總管丁亥拜辭免不允詔封食實封如故樓鑰行

入第二奏二月丁巳受醴泉觀使勅五月甲子今上即位

準詔言事八月甲寅宣麻轉少傅加食一千戶食實封四百

戶制詞門下朕祗膺駿命寅紹丕圖舊弼偃藩南遂內祿祠之佚需恩進律爰升亞傅之崇乃輯群工用敷渙號少保

觀文殿大學士克醴泉觀使益國公食邑一萬六千戶食實

封三千八百戶周某道陰而德備實茂而聲聞自有書契以

來意能該綜首以祠章之選入踐清華西掖北門周旋累歲

高文大冊震耀四方逮參秉於事樞尋進專於國柄謀謨經

遠任社稷以不疑精神折衝撫華夷而威肅久辭相印起殿

帥垣退為綠野之遊適東山之志眷冲人之嗣服方歌助求

之詩想元老以興懷嘗下乞言之詔茲頒異數就陟孤卿夏

篆通禮班寢高於左棘衮衣赤舄禮增煥於三槐仍行故封

併增真食於戲款股肱之美庸加二公洪化之名進藥石之

規式究致君澤民之蘊尚孚明命母有遐心可特授少傅依

前觀文殿大學士克醴泉觀使益國公加食邑一千戶食

實封四百戶所司擇日備禮冊命主者施行樓鑰

公入奏及上表辭免皆降詔不允十月甲子上遣閣門簿

書武功大夫趙嗣祖承受成忠郎王松賜少傅告再上表辭

免降詔不允四入奏乞回授有旨依所乞九月明堂加食

邑一千食實封四百戶制詞門下朕嗣守邦國肇修宗祀父

尤嚴於並侑予一人越縉以行事爾多士奉璋而侍祠眷舊

以興思顧慶條之可後誕敷渙號敷告明廷少傅現文殿大

學士克禮醴泉觀使益國公食邑一萬一千六百戶食實封

四千二百戶周某簡重而閱深直方而膚敏典誥上規於姚

姒詞章遂軋於漢周弼亮兩朝未究經綸之蘊鎮安四海

有懷康濟之功偃藩南國之雄均逸東山之勝比以霽恩之

考

十一月辛亥公遷新第蓋貢院舊基公嘗預薦于此乃名堂曰克賦東偏闢園數畝地執坦夷名之曰平自號平園老叟

慶元元年乙卯

正月丁亥朔三上表乞引年致仕七月庚寅宣麻轉少傅致

仕加食邑一千戶食實封四百戶

制詞門下援禮經而告老大臣所以循止足之規稽

邦典以疏恩人主所以茂褒崇之渥朕曠懷耆舊渴想

方問政之事圖遽引年而有請肆頒異數庸表高風陽于大

庭踈乃群聽少保觀文殿大學士克醴泉觀使益國公食邑

一萬一千六百戶食實封四千二百戶周某才宏而識遠行

峻而氣和其學以致知為先其文以鳴道為本有一德如伊

尹任重保衡亮四世如畢公望陰壽德身雖繫於軒冕心常

樂於丘樊頃辭洪井之麾復領祥源之使年齡甫及筋力未

衰而乃疊貢封章懇足官政朕惟賜几而不得謝蓋具著於

前彛垂車以保其榮殆難從於雅志勉諭會賢之止莫回勇

退之祈念重違於因誠宜優加於體貌是用陞班孤傳載申

成命之休增賦爰田仍衍真租之食以示寵光之備以昭明

節之全孰不歎息於賢哉足以興起於及者於戲進夫棘位

益資洪化之謨迎以滿輪尚有乞言之禮惟深於道者無殆

慶元二年丙辰

慶元三年丁巳

三月戊子綸倅臨川公作十以箴送行十一月郊恩加食邑

一千戶食實封四百戶

制詞門下清廟茅屋玉入裸以展容耳泉竹宮帝臨壇而拜既維皇家之

懿規侈舊弼之信班駁奔而執豆籩唯飭司存之典鴻飛而

歸衮繡庶咨尊老之詢雖隔儀刑特優慶澤少傳觀文殿大

儀

未

學士致仕益國公食邑一萬二千六百戶食實封四千六百戶周其中和而簡亮精密而閱深究百氏之異同亦歸于道漱六藝之芳潤以昌其聞積粹望於四朝紀茂庸於兩枋既明且哲早遂潔身俾壽而臧久安介福屬臧初交之瑟聿嚴並侑之恭冬授策於泰元迄展奉瑄之禮夜受厘於宣室迫凝前席之思飭增衍於豐腴褒榮於冲逸不遐有佐適觀厥成於戲熙漢疇擁神休曾阻侍祠之列保魯邦錫公礪尚懷夾輔之規祇繹陰恩永綏令祉可依前少傅觀文殿大學士致仕益國公加食邑一千戶食實封四百戶主者施行傳伯壽行

慶元四年戊午

慶元五年己未

慶元六年庚申

九月明堂加食邑一千戶食實封四百戶制詞門下朕因時而興禮練日以交

孝

神尊收御辰適萬寶西成之際房宿占象飭九筵南鄉之儀孝奏天地之臨靈承祖宗之侑竣事方頒為祭餞疏思豈後於耆英錫以明緡告于列位少傅觀文殿大學士致仕益國公食邑一萬三千六百戶食實封五千戶周其器資偉亮業履清醇閑中外之文本於殫洽經躰贊元之用懋乃躬諧夙躋位棘之班久遂垂車之佚鄉黨欽其德行神明相之壽祺屬稽三歲之絰載肅四阿之宇禮從越紼祀不敢以廢尊昨有均厘惠靡忘於及下因念累朝之宿望婁陪大典之休成以溫室之詞代宣於發澤以烈文之輔助格于臨心今雖適於里居故可稽於邦賚申陪多井之賦併衍其畜之封以廣又休以昭敬與於戲罔不恤祀是為商家之隆未有遺年亦繇虞氏而始朕欲兼全於斯義時庸加獎於舊臣祇服徽章益綏純嘏可依前少傅觀文殿大學士致仕益國公加食邑一千戶食實封四百戶主者施行陳宗召行

嘉泰元年辛酉

三月監察御史覺察呂祖泰上書及公姓名特降少保制詞勅大

祇

寵

章教

臣從故里之安務曲全於優禮王者審治朝之聽曾可廢於  
公言四子墓紹於丕圖稽古率循於茲道有衆弗協固難獨  
私少傳觀文殿大學士益國公致仕食邑一萬四千六百戶  
食實封五千四百戶周其身受國恩名惟時望文章議論蚤  
膺烈祖之遺輪典禮時幾尤重慈皇之注倚歲月推移  
於三紀風云感惠於千齡翁九德以敷施寧分同異襄二人  
而有合固間初終庶全天下之為公不愧先民之時若乃拂  
協和之義浸淫舊昵之偏馴致狂生翦成偽習視群之進退  
分私黨之盛衰沿類相從殆水流而火就暢萌以泯幾陰長  
而陽消慨流弊之及今謂造端之自汝猶指元台之重欲端  
退傳之歸自為明之保身則異於是是有匪春秋之責備不在  
茲乎駭論之沸騰溢臺章之救數獨念辭崇之久固應用罰  
之寬姑抑劣班庸傲有位棄人間事而學輕舉知久忘寵辱  
之驚引里俗議而志劣愁諒一洗受糟之累尚休晚末無負  
陸寬可特降授少保依前觀文殿大學士益國公致仕食實  
封如故邵文炳行

嘉泰二年壬戌

四月庚子綸赴臯倅公有詩送行十二月 內批復元官

嘉泰三年癸亥

正月丙子受復少傳告

制詞門下混同天下而立之中。置示  
大公之道。體貌大臣而厲其節。載疏

馭貴之恩。眷言綠野之英。偶麗丹書之籍。復孤卿而眎舊。渙  
寵數以維新。播告大廷。誕數明命。降授少保。觀文殿大學士  
益國公致仕。食邑一萬四千六百戶。食實封五千四百戶。周  
其閱深而簡。重溫裕而剛。方博物洽。聞貫百家。九流之奧。高  
文大冊。追三代而漢之醇。恩陵受其有制。告之才。孝廟識  
其真宰。輔之器贊。虞舜垂裳之治。久嘗於明。謨洎神禹。若帝  
之初力。裨於新政。廣官無曠。百惟熙。懇辭機務之繁。旋界保  
厘之重。衣錦動故鄉之喜。建禮陞亞傳之崇。進退可觀。始終  
罔間。事靡聞於掛口。家居惟樂於著書。駭匹夫狂悖之上。聞  
廼片言。詿誤之併及。既有疑於三至。姑薄禡於一階。朕方建  
皇極而融會。於黨偏尊。重闡而濡決。於慶施。申念先朝之遺  
老。僅同下國之靈光。寧屈彛章以全晚節。屬外親之諧。闕在

更生初豈與知。取宮保以居間。矧彥博已嘗得謝。爰侈便藩之渥。盡還寅亮之聯。仍方社之舊封。示安車之偉觀。於戲福威惟辟。朕庶幾偕命。復之公明。哲保身爾。固無三仕三已之累。益緩壽履。祇朕恩私。可特復少傅。依前觀文殿大學士。益國公致仕。食邑一萬四千六百戶。食實封五千四百戶。主者施行。顧棫行。五月壬子。綸被審察之。

命十月除大理司直壬子益國夫人王氏薨十一月郊祀加

食邑一千戶食實封四百戶

制詞門下朕三酌彌文恭承明祀王入大室首嚴裸鬯之儀帝

臨中壇載舉燎熏之禮荷靈賜之未沛宜國昨之均頒乃睠舊人亶謂耆德爰孚渙號臨告明廷少傅觀文殿大學士致仕益國公食邑一萬四千六百戶食實封五千四百戶周某器量宏深才猷通敏有覺德行夙並駕於淵騫發為文章益上覲於姚姒蚤被神聖之睠浸膺廊之求翊贊兩朝密勿敷陳之際始終一節雍容進退之間蹇王臣皤國老遂間館珍臺之通承安車四馬之榮千里封公啓梁州之沃壤三孤命秩兼文殿之隆名屬觀日至之圭處奉雲陽之玉神光

廟益

交燭是宜降福之多祭澤旁流可後加田之寵茲為異數允屬宗工於戲奉郊廟之精裡雖莫陪於顯相叙常之績成亦何愛於褒嘉其服茂恩益暨晚節可依前少傅觀文殿大學士致仕益國公加食邑一千戶食實封四百戶主者施行莫子純行

嘉泰四年甲子

叙績堅

三月甲申葬益國夫人于廬陵縣儒林鄉斗岡之原公為誌

銘十月旦公薨于正寢享年七十有九遺奏聞 上輟朝兩

日贈太師賻銀絹一千疋兩

制詞勅朕遵先王之法言念今日祖風之末遠感故國之喬木

詔

嘆當時朝士之無多曉言調鼎之英以遂掛冠之適忽遺言之來論諒愍用之可稽故少傅觀文殿大學士致仕益國公

食邑一萬五千六百戶食實封五千八百戶周某某智周萬殊學鏡千古以文華國豈惟莊騷太史之工以道事君屢展稷契皋陶之畫初振詞臣之譽旋疇真宰之庸既練習於國章尤精通於世務亮象采於台極烈祖特為股肱捧大明於天

衢 聖父資其羽翼項以棘班之峻往分帥閫之權雖餞于  
郁者有以冊申伯之勲然浴乎沂者無以奪曾點之志遂致  
大夫之事聿觀晚節之香爵列三孤寄傲每存於林壑年幾  
八袞研精弗倦於簡編云胡一鑑之亡莫起兩楹之夢錫之  
密印燧以衮衣於戲我感成文王之功靡忘繩武爾尚式周  
公之訓宜俾為師賁于寢封服我光命可特贈太師餘如故  
李太 十二月丙申合葬于斗岡之原  
異行

開禧三年丁卯

二月辛酉賜謚文忠 謚議見附錄

嘉定元年戊辰

十一月內侍張延慶傳

旨宣賜

御書忠文耆德之碑六字

并詔詞臣撰書碑銘 文載附錄


周益文忠年譜畢





三言

唐文忠公集卷九



54

